



昭德先生郡齋讀書志卷第二上



一

史部其類十有三。一曰正史類。二曰編年類。三曰實錄類。四曰雜史類。五曰偽史類。六曰史評類。七曰職官類。八曰儀注類。九曰刑法類。十曰地理類。十一曰傳記類。十二曰譜牒類。十三曰目錄類。後世述史者其體有三。編年者以事繫日月而總之於年。蓋本於左氏明紀傳者分記君臣行事之終始。蓋本於司馬遷實錄者近起於唐。雜取兩者之法而爲之以備史官採擇而已。初無制作之意。不足道也。若編年紀傳則各有所長。殆未易以優劣論。雖然。編年所載於一

國治亂之事爲詳紀傳所載於一人善惡之迹爲詳用此言之編年似優又其來最古而人皆以紀傳便於披閱獨行於世號爲正史不亦異乎舊以官職儀注等凡史氏有取者皆附之史今從焉

正史類

史記一百三十卷

右漢太史令司馬遷續其父談書創爲義例起黃帝迄漢武獲麟之歲撰成十二紀以序帝王年表以貫歲月八書以紀政事三十世家以序公侯七十列傳以志士庶上下三千餘載凡爲五十二萬六千五百

言遷沒後缺景武紀禮樂律書三王世家漢興以來將相年表日者龜策傳靳蒯列傳等十篇元成間褚少孫追補及益以武帝後事辭旨淺鄙不及遷書遠甚裴駟集解班固嘗譏遷論大道則先黃老而後六經序游俠則退處士而進姦雄述貨殖則崇勢利而羞貧賤後世愛遷者以此論爲不然謂遷特感當世之所失憤其身之所遭寓之於書有所激而爲此言耳非其心所謂誠然也當武帝之世表章儒術而罷黜百家宜乎大治而窮奢極侈海內彫弊反不若文景尚黃老時人主恭儉天下饒給此其論大道所以

先黃老而後六經也。武帝用法刻深，群臣一言忤旨，輒下吏誅。而當刑者得以貨自贖，遷之遭李陵之禍，家貧無財，賄自贖，交遊莫救，卒陷腐刑。其序游俠，退處士而進姦雄者，蓋遷歎時無朱家之倫，不能脫已於禍。故曰：士窮窘得委命，此豈非人所謂賢豪者邪？其述貨殖，崇勢利而羞貧賤者，蓋遷自傷，特以貧故不能自免於刑戮。故曰：千金之子不死於市，非空言也。固不察其心而驟譏之，過矣。

前漢一百卷

右後漢玄武司馬班固續司馬遷史記，撰十二帝紀。

八年表十本志七十列傳，起高祖終於王莽之誅，二百三十年，凡八十餘萬字。固既瘐死，書頗散亂。章帝令其妹曹世叔妻昭就東觀緝校，內八表、天文志皆其補也。唐太子承乾令顏師古考衆說爲之注。范曄譏固飾主闕，蓋亦不然。其贊多微文，顧讀者弗察耳。劉知幾又詆其古今人物表無益於漢史。此論誠然，但非固之罪也。至謂受金鬻筆，固雖諂附匪人，亦何至是歟。然識者或以固書皆因司馬遷，王商揚雄歆向舊文潤色成之。故其文章首尾皆善，而中間頗冗瑣。良由商之才視數子微劣，爾固之自序稱述者亦

謂有所本也

後漢九十卷志三十卷

右宋范曄撰十帝紀八十列傳唐高宗令章懷太子

賢與劉訥言革希元作誌曄所撰本志未成而伏誅

後劉昭補注三十卷觀曄與甥姪書敘其作書之意

稱自古體大而思精未有如此者又謂諸序論筆勢

放縱實天下之奇作往往不減過秦篇常以班

氏非但不愧之而已其自負如此然世多譏曄割為

皇后紀及采風俗通中王喬抱朴子中左慈等詭譎

事列之於傳又贊辭佻巧失史之體云

三國志十五卷

右晉陳壽撰魏四紀二十六列傳蜀十五列傳吳二

十列傳宋文帝嫌其畧命裴松之補注博采群說分

入書中其多過本書數倍王通數稱壽書細觀之實

高簡有法如不言曹操本生而載夏侯惇及淵於諸

曹傳中則見嵩本夏后氏之子也高貴鄉公書卒而

載司馬昭之奏則見公之不得其死也他皆類此但

以魏為紀而稱漢吳曰傳又改漢曰蜀世頗譏其失

至於謂其銜諸葛孔明髡父而為貶辭求丁氏之米

不獲不立儀輿傳之類亦未必然也

晉書一百三十卷

右唐房喬等撰貞觀中以何法盛等十八家晉史未善詔喬與褚遂良許敬宗再加撰次乃據臧榮緒書增損之後又命李淳風李義府李延壽等十三人分掌著述敬播等四人考正類例西晉四帝五十四年東晉十一帝一百二年又胡羯氏羗鮮卑割據中原為五涼四燕三秦二趙真蜀十六國共成帝紀十志二十列傳七十載記三十例出播天文律歷淳風專之喬以宣武紀陸機王羲之傳論上所自為故曰制旨又總題御撰焉按歷代之史雄晉叢冗最甚可以無譏然其多采語林世說幽明錄搜神記詭異謬妄之言至於取沈約之說誣元帝為牛氏子之類亦不可不辨

宋書一百卷

右梁沈約撰十本紀三十志六十列傳齊永明中約奉詔為是書以何承天書為本兼採徐爰之說頗為精詳但本志兼載魏晉失於限斷又王邵謂其喜造奇說以誣前代如瑯琊王妃通小吏牛氏生子孝武於路太后處寢息時人多有異議之類是也後梁武帝知而不以為非嘉祐中以宋齊梁陳魏北齊周書

舛繆亡缺始命館職讎校曾鞏等以秘閣所藏多誤不足憑以是正請詔天下藏書之家悉上異本久之始集治平中鞏校定南齊梁陳三書上之劉恕等上後魏書王安國上周書政和中始皆畢頒之學官民間傳者尚少未幾遭靖康丙午之亂中原淪陷此書幾亡紹興十四年并憲孟爲四川漕始檄諸州學官求當日所頒本時四川五十餘州皆不被兵書頗有在者然往往亡缺不全收合補綴獨少後魏書十許卷最後得宇文季蒙家本偶有所少者於是七史遂全因命眉山刊行

南齊書五十九卷

右梁蕭子顯撰八紀十一志四十列傳初江淹已作十志沈約又有紀子顯自表別修然天文但紀災祥州郡不著戶口祥瑞多載圖讖表云天文事秘戶口不知不敢私載曾子固謂子顯於斯史喜自馳騁其更改破析刻雕藻績之變尤多而文比七史最下云

梁書五十六卷

右唐姚思廉撰六本紀五十列傳唐貞觀三年詔思廉同魏徵撰思廉者梁史官察之子推其父意又採謝吳等所記以成此書徵惟著總論而已

陳書三十六卷

右唐姚思廉撰。六本紀。三十列傳。其父察在陳。嘗刪撰梁陳事。未成。陳亡。隋文帝問之。察以所論載每一篇成。輒奏之。未訖而沒。察且死。屬思廉繼其業。貞觀中。與梁書同上之。其書世亦罕傳。故多脫誤。

後魏書一百三十卷

右北齊魏收撰。初魏史官崔浩既誅。太和後始有李彪、崔鴻等書。魏末山偉、綦雋、更主國書。二十餘年。事迹蕩然。萬不紀一。文宣時詔收撰次。成十二紀。十志。九十二列傳。上之。悉焚舊書。多諂諱。不平。受爾朱榮

子金故滅其惡。夙有怨者。多沒其善。黨北朝。貶江左為島夷。至謂晉元帝為牛金之子。時人疾之。號為穢史。劉知幾謂其生絕。循嗣死逢。剖斷皆隱。慝所致。後隋文帝命顏之推等別修。唐貞觀中。陳叔達亦作五代史。皆不傳。獨收書在皇朝。命劉恕等校正。

北齊書五十卷

右唐李百藥撰。本紀八。列傳四十二。百藥父德林在齊。嘗撰著紀傳。貞觀初。詔分修諸史。百藥因父書。續成。以獻。諸史稱帝號。百藥避唐朝名諱。不書世祖。世宗之類。例既不。議者少之。書今亡闕不完。

周書五十卷

初周有柳料隋末洪各有撰次率多抵牾

右唐令狐德棻等撰本紀八列傳四十二貞觀中德棻請讓次而詔德棻與陳叔達唐儉成之先是蘇綽秉周政軍國詞令多准尚書牛弘為史尤務清言德棻因之以成是書故多非實錄仁宗時出太清樓本合史館秘閣本又募天下獻書而取夏竦李巽家本下館閣是正其文字而後林希王安國上之

隋書八十五卷

右唐魏徵等撰紀五列傳五十五長孫無忌等撰志三十初詔顏師古孔穎達修述徵總其事序論皆徵自作後又詔于志寧李淳風韋安仁李延壽同修五代史志無忌上之詔編第入隋書人亦號五代史志天文律歷五行三志淳風獨作

唐書二百卷

帝紀三十列傳二百五十

右石晉劉昫張昭遠等撰因韋述舊史增損以成繁畧不均校之實錄多所漏闕又是非失實其甚至以韓愈文章為大紕繆故仁宗刪改蓋亦不可已焉

新唐書二百二十五卷

右皇朝嘉祐中曾公亮等被詔刪定歐陽修撰紀志宋祁撰列傳舊書約一百九十萬新書約一百七十

四萬而其中增表故書成上於朝自言曰其事則增於前其文則省於舊也而議者頗謂永叔學春秋每務褒貶子京通小學唯刻意文章采雜說既多往往牴牾有失實之歎焉

五代史記七十五卷

右皇朝歐陽修永叔以薛居正史繁猥失實加修定藏於家永叔沒後朝廷聞之取以付國子監刊行國史稱其可以繼班固劉向人不以為過特恨其晉出帝論以為因濮園議而發也

三朝國史一百五十卷

右皇朝呂夷簡等撰初景德四年詔王旦先文元公楊億等十人撰太祖太宗兩朝史至天聖五年詔夷簡等九人添入真宗朝史王曾監修曾罷夷簡代八年書成計七百餘條比之三朝實錄增者大半事蹟文字瞻察褒貶得宜百世之所考信云

編年類

荀悅漢紀三十卷

右漢荀悅撰班固作漢書起高祖終於孝平王莽之誅十二世二百四十二年為紀表志傳凡八十餘萬言獻帝以其文繁詔悅舉要撮總通比其事列繫年月為紀三十篇凡八萬三千四百三十二字辭約事

該時稱嘉史

袁宏漢紀三十卷

右晉袁宏彥伯在晉末為一時文宗性強直雖為桓溫禮遇每不阿屈以東京史籍不倫謝承司馬彪之徒錯繆同異無所取正惟張璠紀差詳因參據記傳以損益之比諸家號為精密

唐曆四十卷

右唐柳芳撰初肅宗詔芳綴輯吳兢書其敘天寶後事不倫上元中芳謫黔中會高力士同貶因從力士質開元天寶及禁中事識其本末時舊史已送官不

可追刊乃推行義類攸編年法作此書起隋義寧元年迄大曆十三年然不立褒貶義例而敘制度為詳此詳之為通鑑多取焉河洛行年記十卷

右唐劉仁軌撰記唐初李密王世充事起大業十三年二月迄武德四年七月秦王擒竇建德第九卷述大業都城第十卷載宮館園圃且云煬帝遷都之詔稱務從節儉觀其宮室窮極綺麗云

大唐創業起居注三卷

右唐溫大雅撰紀高祖建義至受隋禪用師符讖受命典冊事

通曆十卷

右唐馬總撰。總纂太古十七氏、中古五帝三王及刪取秦漢三國、晉十六國、宋齊梁陳元魏北齊後周隋世紀，與滅粗述其君賢否，取虞世南畧論分系於末，以見義焉。

續通曆十卷

右荆南孫光憲撰。輯唐汨五代事，以續馬總曆。參以黃巢、李茂真、劉守光、阿保機、吳唐、閩、廣、胡、越兩蜀事迹。太祖朝詔毀其書，以其所紀多非實也。

五代通錄六十五卷

右皇朝范質撰。五代實錄共三百六十卷，質刪其煩文，披其要言，以成是書。自乾化壬申至梁亡十二年間，簡牘散亡，亦採當時制勅碑碣以補其闕。

紀年通譜十二卷

右皇朝宋庠撰。自漢文帝後元戊寅止，周恭帝顯德庚申為九篇。以本朝建隆之元，至慶曆辛巳為一篇。皆曰統元，以甲子貫之。有五號曰正閏、偽賊、蠻夷。以王莽十九年繫孺子更始，以接建武。東魏十七年附西魏。豫王六年，天后十五年繫中宗，緒神龍。朱梁十六年通濟陰，天祐續同光，摺晉恭帝，禪宋之歲對魏。

以武揚三國志魏景初元年丁巳，以蜀建興十五年次年戊午，蜀改元延熙。花二十年歲次丁丑，明年改元景耀。今通譜載蜀建興之號止于丙辰，凡十四年。延熙改元在丁巳，且後增至二十一年，豈別有所據耶。歐陽公集古目錄以東魏造石像記，証通鑑。

宣七年非也。不蓋自
元象以後。述差一歲。以
序。則云。以為宜。易。遂
著其事。于譜。前。意
者。編。通。法。博。不。更。時
有。外。誤。也。

御製不序以冠其首
且以為賢于前代云
公武心好是書也

有手矣。見其不采俊
偉卓異之事。如屈原
懷沙自沉。四皓羽翼
儲君。嚴光。是加帝腹。姚
崇。李。事。前。後。之。款。皆
初。去。不。錄。我。沒。知。忠
忠。信。有。餘。蓋。通。子。長
之。愛。也。也。
以上在賜名資治通
鑑目下
資治通鑑外紀十卷
右皇朝劉恕撰司
馬公作通鑑託始於
周威烈王云云

明元泰常五年尊北降南始主正朔乃通譜之新意也。別二篇舉字為類各以部分曰類元慶曆中上之優詔褒焉。

稽古錄二十卷

右皇朝司馬光君實編起自三皇止皇朝英宗治平未至周共和庚申始為編年

編年紀事十一卷

右皇朝劉攽因司馬溫公所撰編次

資治通鑑二百九十四卷目錄三十卷考異三十卷

右皇朝治平中司馬光奉詔編集歷代君臣事迹許自辟官屬借以館閣書籍在外聽以書局自隨至元豐七年凡十七年始奏御上起戰國下終五代凡一千三百六十二年又畧舉事目年經國緯以備檢閱別為目錄參考同異俾歸一塗別為考異各一編公自謂精力盡於此書神宗賜名資治通鑑託始於周威烈王命韓趙魏為諸侯下訖五代劉恕嘗語光曷不起上古或堯舜光答以事包春秋不可又以經不可續不敢始於獲麟恕意謂闕漏因撰一書起三皇五帝止周共和載其世次而已起共和庚申至威烈

王二十二年丁丑四百三十八年爲一編號曰外紀
猶國語稱春秋外傳也

實錄類

唐則天實錄二十卷

右唐吳兢撰初神龍二年詔武三思魏元忠祝欽明
徐彥伯柳同崔融岑羲徐堅撰錄三十卷開元四年
兢與劉知機刊修成此書上之起嗣聖改元甲申臨
朝止長安四年甲辰傳位凡二十一年

唐代宗實錄四十卷

右唐令狐峘撰初詔峘撰錄未成書貶官卒元和二
年子丕上之當時名臣如房瑄不立傳抗直如顏真
卿畧而不載時譏漏畧起寶應元年壬寅止大曆十
四年己未凡十七年

唐順宗實錄五卷

右唐韓愈撰起貞元二十一年乙酉正月止永貞元
年丙戌八月初愈撰錄書禁中事爲切直閹宦不喜
訾其非實在文宗時詔路隋刊正隋建言衆議以刊
修非是李宗閔牛僧孺謂史官李漢蔣係皆愈之婿
不可參撰俾臣下筆臣謂不然且愈之所書非已自
出元和以來相循逮今漢等以嫌無害公謹請條其

甚謬誤者付史官刊定詔摘去元和永貞間數事爲失實餘不復改

唐敬宗實錄十卷

右唐李讓夷等撰起長慶四年甲辰卽位止寶曆二年丁未凡三歲武宗會昌中詔史官陳商鄭亞同修讓夷監修書成上之

建康實錄二十卷

右唐許嵩撰始自吳起漢興平元年終於陳末禎明三年南朝六代四百年間君臣行事及土地山川城池宮苑制置興壞用存古跡其有異事則注之以益

見聞建康者六朝所都地名也

太祖實錄五十卷

右皇朝李沆等撰起建隆元年庚申止開寶九年丙子十月咸平中真宗以前錄漏畧詔錢若水王禹偁李宗諤梁顥趙安仁重加刊修呂端監修端罷沆代二年書成上之沆表云前錄天造之始國姓之源發揮無取削平諸國僭主偽臣頗亡事迹今之所正率由典章又益諸臣傳一百四人按書太宗不存市及杜太后而司馬溫公所書不同多歎

太宗實錄八十卷

右皇朝錢若水等撰起卽位止至道三年丁酉三月

此

凡二十年。至道二年。詔若水柴成務、宋度、吳淑、楊億同修。咸平元年書成上之。

真宗實錄一百五十卷

右皇朝王欽若等撰。起藩邸。止乾興元年。王成二年。凡二十六年。乾興元年。詔李維晏、孫奭、宋綬、陳堯佐主舉。正李淑同修。馮拯監修。拯卒。欽若代。天聖二年書成上之。

仁宗實錄二百卷

右皇朝韓琦等撰。起藩邸。盡嘉祐八年二月。凡四十二年。

英宗實錄三十卷

右皇朝曾公亮等撰。錄起藩邸。盡治平四年九月。凡四年。

神宗實錄二百卷

右皇朝呂大防等撰。起藩邸。止元豐八年三月。凡十九年。紹聖中。言者謂元祐間呂大防提舉實錄。范祖禹等編修。刊落事迹。變亂美惡。外應姦人詆誣之說。命蔡卞改修。其後奏書以舊錄爲本。用墨書。添入者用朱書。其刪去者用黃抹。已而將舊錄焚毀。宣和中國得其本於禁中。遂傳於民間。號朱墨史云。

哲宗前實錄一百卷後實錄九十四卷

右蔡京等撰前錄起藩邸盡元祐七年十二月後錄起紹聖元年正月盡元符三年正月共十三年京之意以宣仁垂簾時政非出於上故分前後錄蓋厚誣也

哲宗新實錄一百五十卷

紹興四年三月壬子太上皇帝顧謂宰臣朱勝非等曰神宗哲宗兩朝史錄事實多誣非所以傳信後世當重別修定著唐鑑范祖禹有子名冲者已有名命可從來令兼史事臣勝非奏曰神宗史緣添入王安

石日錄哲宗史經蔡京蔡卞之手議論多不公今蒙聖諭命官刪定以昭彰二帝盛美天下甚幸十八日丙申新除宗正少卿兼直史館范冲辭免恩命臣勝非奏曰冲謂史館專修神宗哲宗史錄而其父祖禹元祐間任諫官後坐章疏議論責死嶺表而神宗實錄又經祖禹之手今既重修則凡出京卞之意及其增添者不無刪改儻使冲預其事恐其黨未能厭服上曰以私意增添不知當否臣勝非曰皆非公論上曰然則刪之何害紛紛浮論不足恤也臣勝非曰范冲不得不以此爲辭今聖斷不私冲亦安敢有請上

復愀然謂勝非等曰此事豈朕敢私頃歲昭慈聖獻
皇后誕辰因置酒宮中從容語及前朝事昭慈謂朕
曰吾老矣幸相聚於此他時身後吾復何患然有一
事當爲官家言之吾逮事宣仁聖烈皇后求之古今
母后之賢未見其比因姦臣快其私憤肆加誣謗有
玷盛德建炎初雖嘗下詔辨明而史錄所載未經刪
改豈足傳信後世吾意在天之靈不無望於官家也
朕每念及此惕然於懷朝夕欲降一詔書明載昭慈
遺旨庶使中外知朕修史之本意臣勝非進曰聖諭
及此天下幸甚臣仰惟神宗哲宗兩朝實錄已上太
於篇末云

元符庚辰以來詔旨四卷

右皇朝汪藻編徽宗卽位後詔旨未全

濮安懿王申陳一卷

紀治平中封濮安懿王時宰相奏狀及臺諫言章

邵氏辨誣一卷

右皇朝邵伯溫撰辨蔡卞章惇邢恕誣罔宣仁欲廢
哲宗立徐邸事

雜史類

古者天子諸侯皆有史官惟書法信實者行于世秦漢罷黜封建獨天子諸侯皆有史存然史官或怯而阿世貪而厚筆法虛美隱惡不足考信則儒學士必私有所述以伸其志將未核之以証史官之失其和並大矣司馬遷之傳周猶采取數家之言以成其言況其下者乎亦有因見單淺記錄失實胸臆偏私集賢弗以誤後世者在現者慎擇之而已云云

汲冢周書十卷

右晉太康中汲郡與穆天子傳同得晉孔晁注蓋孔子刪採之餘凡七十篇

吳越春秋十二卷

右後漢趙曄撰吳起太伯盡夫差越起无余盡勾踐内吳外越本末咸備

南史八十卷北史一百卷

右唐李延壽撰延壽父太師嘗謂宋齊逮周隋分隔南北南謂北為索虜北謂南為島夷欲改正擬吳越春秋編年未就而卒延壽後預修晉隋書因究悉舊

事更依馬遷論體總敘八代北起魏盡隋二百四十

二年南起宋盡陳百七十年為二史刪煩補闕過本

史遠甚至今學者止觀其書沈約魏收等所撰皆不

行獨闕本志而隋書有之故隋書亦傳于世唐高宗善

西京雜記二卷

右晉葛洪撰初序言洪家有劉子駿漢書百卷乃當

時欲撰史錄事而未得締思無前後之次雜記而已

後學者始甲乙壬癸為十卷以其書校班史殆全取

劉書耳所餘二萬許言乃抄撮之析二篇以裨漢書

之闕猶存甲乙哀次江左人或以為吳均依託為之

五代新說二卷

右唐張詢古撰以梁陳北齊周隋君臣雜事分三十門纂次

南部烟花錄一卷

右唐顏師古撰載隋煬帝時宮中秘事僧志徹得之于官閣筍筆中一名大業拾遺記

大業雜記十卷

右唐杜寶撰起隋仁壽四年煬帝嗣位止越王侗皇太三年王世充降唐事

貞觀政要十卷

右吳兢撰兢以唐之極治貞觀為最故採時政之可備勸戒者上之於朝凡四十篇

大唐新語十三卷

右唐劉肅撰輯唐故事起武德止大曆分為二十類

明皇雜錄二卷

右唐鄭處晦撰記孝明時雜事別錄一卷題補闕所載十二事

開元傳信記一卷

右唐鄭棨撰紀開元天寶傳聞之事故曰傳信

國史補二卷

肅元和時人

右唐李肇撰起開元止長慶間事初劉餗記元魏迄唐開元事名曰國朝傳記故肇續之

幸蜀記三卷

右唐李匡文宋巨周宋居白撰初匡文記盡孝明崩巨周記止於歸長安敘事互有詳畧居白合二記以宋爲本析李爲注取二序冠篇復掇遺事增廣焉

次柳氏舊聞一卷

右唐李德裕撰上元中史臣柳芳與高力士同竄黔中爲芳言開元天寶^禁年中事乃論次號問高力士李吉甫與芳子冕^貞元中^初俱爲尚書郎嘗道力士之說

吉甫每爲其子德裕言歲祀旣久遺藁不傳但記十七事後文宗訪力士事於德裕德裕編次上之多同明皇雜錄

開成承詔錄二卷

右唐李石撰石與鄭覃李固言相文宗錄當時延英奏對事開成乃其時年號

太和辨謗畧三卷

右唐李德裕撰先是唐次錄周秦迄隋忠賢罹讒謗事德宗覽之不悅後憲宗以爲善命令狐楚等廣之成十卷至大和中文成上之

兩朝獻替記三卷

右唐李德裕撰德裕相文宗武宗錄當時奏對論議

開元升平源記一卷

右唐吳兢載姚崇以十事要明皇

金鑿密記一卷

右唐韓偓撰天復中為翰林學士從昭宗西幸梁祖朱溫

以兵圍鳳翔偓每與謀議因密記之及所聞見事止

復京師偓既云

松窗錄一卷

右唐韋叡撰記唐故事

元和朋黨錄一卷

右唐馬永易記牛李朋黨始末自牛僧孺試賢良迄

令狐綯去位

中朝故事二卷

右偽唐尉遲偓撰記唐懿昭哀三朝故事故曰中朝

入洛記一卷

右蜀王仁裕隨王衍降入洛陽記往返途中事并其

所著詩賦

南部新書五卷

右皇朝錢希白撰記唐故事

予嘗謂偓有君之
道四為唐之末南
朋而忘其君偓在亂
川出獨能齊家從上
一也其時播紳之
通內外以躍其爵祿
獨能力辭相位二也
肯草韋昭祀起復麻
三也不肯致拜于朱
四也詩曰風雨如晦
嗚呼已極之謂矣而
宋子京流之奈何一
卷天復二年三年各
為一卷有尾詳畧不
同互相應接改正于
餘

建隆遺事一卷

右皇朝王禹偁記太祖事十。按太祖開寶九年十月癸丑崩于萬歲殿。先是趙普以六年罷爲河陽節度使。盧多遜至太平興國元年始除平章事。太祖崩時宰臣蓋薛居正沈倫也。今此云上將晏駕前一召宰臣趙普。盧多遜入宮。其繆甚矣。世多以其所記爲然。恐不足信也。

祖宗獨斷一卷

右皇朝陸經記祖宗獨斷凡十事

聖宗掇遺一卷

右皇朝余靖撰記國初至仁宗君臣美事以備史闕

三朝政錄二十卷

右皇朝富弼上言欲選官置局將三朝典故編成一書。卽命王洙余靖孫甫歐陽修編修。分別事類成九十六門。

洙水 溫公紀聞五卷

右皇朝司馬光撰記賓客所談祖宗朝及當時雜事

筆錄一卷

右皇朝王曾撰皆國朝雜事

晉公談錄三卷

右皇朝丁謂撰多本朝事每章之首皆稱晉公言不知何人爲潤益初董識志彥得之於洪州潘延之家延之晉公甥疑延之所爲

嘉祐時政記一卷

右吳奎趙槩歐陽修記立英宗事并賈易論韓琦定策疏附于後

富公語錄一卷

右皇朝富弼使北時所錄

曾相手記三卷

右紹聖初元祐黨禍起曾布知公論所在故對上之

語多持兩端又輒增損以著此書云

隆平集二十卷

右皇朝曾鞏撰記五朝君臣事跡

其間記事多誤如以太平御覽與總類兩書之類或疑非鞏書

建炎日曆五卷

右皇朝汪伯彥撰記太上皇帝登極時事

五代史闕文一卷

右皇朝王禹偁撰錄五代史筆避嫌漏畧者以備闕文凡十七事

英宗朝諸臣傳三卷

右不知何人於英廟實錄中摘出凡四十二人

邵氏聞見錄二十卷

右皇朝邵伯溫子文撰記國朝雜事迄紹興之初序言早以其父之故親接前輩得前言往行為多類之成書其父雍也

金人背盟錄一卷

右皇朝汪藻編記金人背契丹迄於宣和乙巳犯京城多採北遼遺事

圍城雜錄一卷

右皇朝王養正錄靖康末女真再犯都城事

順昌錄一卷

右紹興十年劉錡破女真於順昌城下其徒紀其功云

紹運圖一卷

右未詳何人所撰自伏羲迄皇朝_宋神廟五德之傳及紀事皆著于篇


中秋日校日王夕大雨七月

昭德先生郡齋讀書志卷第一上

昭德先生郡齋讀書志卷第二下

偽史類

華陽國志十二卷



右晉常璩撰華陽梁州地也紀漢以來巴蜀人物呂微仲跋云漢至晉初四百載間士女可書四百人亦可謂盛矣復自晉至周顯德僅七百歲而史所紀者無幾人忠魂義骨與塵埃同沒何可勝數豈不重可歎哉

江南錄十卷

右皇朝徐鉉等撰鉉等自江南歸朝奉詔撰集李氏

世多以介甫之言為然
獨劉原道得佑子革
所上其義事跡略與江南
錄同乃知銘等非欺誣
也

時事王介甫嘗謂書至亡國之際不言其君之過但以曆數存亡論之雖有愧實錄其於春秋箕子之義得之矣雖然潘佑以直言見殺而鉉書佑死以妖妄何也殆與佑爭名且耻其善不及佑故匿其忠污之以罪耳若然豈唯厚誣忠臣其欺吾君不亦甚乎

江南別錄四卷

右皇朝陳彭年撰偽吳偽唐四主傳也

九國志五十一卷

右皇朝路振撫雜記吳越唐前蜀後蜀東漢南漢閩楚凡九國

蜀桂堂編事二十卷

右偽蜀楊九齡撰雜記孟氏廣政中舉試事跡始末南唐近事二卷

右皇朝鄭文寶編紀李氏二主四十年間雜事之可紀者

江南野史二十卷

右皇朝龍袞撰凡八十四傳

外史檣杪十卷

右皇朝張唐英次公撰序稱王建孟知祥父子四世八十年比之公孫述輩最為久遠其間善惡有可為

載詩賦策題及知舉
登科人性其云科舉
起于隋開皇時陋者謂
唐太宗時非也

世戒者路振之書未備今成此書以補其遺凡五代史及皇朝日曆所書皆畧之

漢公脩通鑑搜羅小說殆遍未嘗取此書蓋多差舛也光緒二

北遼遺事二卷

年之類是也

右不題撰人蓋遼人也記女真滅遼事序云遼國自阿保機創業於其初德光恢廓於其後吞併諸蕃割據漢界南北開疆五千里東西四千里戎器之備戰馬之多前古未有子孫繼統二百三十餘年迨至天祚失御女真稱兵十三年間舉國土崩古人謂得之難失之易非虛言耳

金人節要一卷

右陷金人所上也記金人初內侮止紹興十年共十六年事頗詳實

史評類

史記索隱三十卷

右唐司馬貞撰據徐斐裴注糾正牴牾援據密緻如東坡辨宰我未嘗從田常為亂蓋本諸貞也

唐書直筆四卷

右皇朝呂夏卿撰夏卿強記絕人預修新書

此其在書局時所建

唐書新例須知一卷

右記新書比舊增減志傳及其總數

新書多奇字。觀者必
誤。刊釋。舉由。同精。按。
發。州。揮。良。多。而。其。書。
內。有。改。革。者。不。知。何。人。附。
益。之。也。

唐書音訓四卷

右皇朝竇苹撰

唐書辨證二十卷一名糾繆

右皇朝吳縝撰縝字建珍成都人仕至御史數新書初修之時其失有八類其舛

誤二十門凡四百餘事

唐史要論十卷

右皇朝孫甫之翰撰歐陽修司馬光蘇軾稱其書以

為舊史所不及

西漢發揮十卷

右皇朝劉涇巨濟撰蜀人

唐鑑二十卷

右皇朝范祖禹醇夫撰醇夫為溫公通鑑局編修官

十五年分掌唐史以其所自得著成此書取武后臨

朝二十一年系之中宗其言曰此春秋公在乾侯之

義也雖得罪於君子亦所不辭觀此則知醇夫之從

公決非苟同者凡二百六篇

注唐紀十卷

右題曰樊先生而不詳其名近代人所注新書紀也

唐史評

右題曰適適先生不詳何人門人譙孝寧為編次

通鑑考異證歐陽
史差誤九莊宗送三
矢事之類甚眾今案
皆不及之特證其字
及錯而已又善本未必
皆然

前世史部中有史抄類
而宋初中有文史類
今世抄節之說不行而
論說者每多故自文史
類內摘出論史者為
史評附史部而廢史抄
云

五代史纂誤五卷雜錄一卷

右皇朝吳縝撰凡二百餘事皆五代史抵牾闕誤也歐陽永叔新

三國人物論三卷

右皇朝楊祐甫撰蜀人

歷代史辨志五卷

右未詳撰人亦有可觀者凡百許篇序謂人之志有甚微者不可不辨故以名書

劉氏史通二十卷

右唐劉知幾撰知幾長安神龍間三為史官頗不得志乃以前代書史敘其體法因習廢置掇其得失述作曲直分內外篇著為評議備載史策之要當時徐

堅深重其書嘗云居史職者宜置座右玄宗朝詔其家錄進上讀而善之宋子京稱唐舊史之文猥褻不綱謂知幾工訶古人而拙於用也觀此書知子京之論不誣

職官類

集賢注記一卷

右唐韋述撰述集賢堂四十年天寶初撰置院始末及院中故事修撰書史之

次孝明時學士名氏頗善敘事

御史臺記十二卷

右唐韓琬撰載唐初至開元御史臺中制度故事以

大夫中丞侍御史殿中監察主簿錄事分門載次名氏行事著論一篇敘御史正邪得失進擢誅滅附卷末以為世戒

中台志十卷

右唐李筌撰起殷周迄隋唐纂輔相邪正之迹分皇王霸亂亡五類以為鑒戒唐相以李林甫陳希烈附皇道筌上元中乃自表天寶初追以綴名云

翰林志一卷

右唐李肇撰纂唐世翰林院中供奉儀則制誥書詔之式其後云唐有聖文武皇帝列在翰林以十六州為三道之歲蓋憲宗元和十四年也

翰林盛事一卷

右唐張著撰記唐朝儒臣美事凡三十八人

史館故事三卷

右不題撰人姓名記史館雜分六門迄於五代李獻臣以為後周史官所著

宰相拜罷錄一卷

右皇朝陳繹奉詔編起范質止曾公亮所載拜罷之由與實錄不同元祐史臣謂繹多出己意

樞府拜罷錄一卷

右皇朝陳繹編起魏仁浦止宋綬

翰林續志二卷

右皇朝蘇易簡在翰林院最承太宗睠遇錄國朝政事以續肇志子耆采易簡所載之餘成一卷附益之

金坡遺事三卷

右皇朝錢惟演撰載國朝禁林雜儀式事迹并學士名氏文元公述真宗禮待儒臣三事附于卷末

麟臺故事五卷

右皇朝程俱撰紹興初復館職俱首入館纂集舊聞成十二篇予所藏書斷自南渡以前獨以此書以載官制設事為詳故錄之

唐六典三十卷

右唐玄宗撰李林甫張說等注以三公三師三省九寺五監十二衛等例其職司官佐敘以品秩擬周禮六官云蓋唐極治之書也雖不能悉行於世而諸司遵用殆將過半觀唐會要請事者往往援據以為實或以為此書雖成於開元間而不行於一時不學之言也

嘉祐御史臺記五十卷

右皇朝馮潔已撰御史臺有誌始於武后時姚庭筠其後韓琬韋述嗣有紀著嘉祐中王疇命潔已續之乃上自太祖建隆之元迄於嘉祐八年凡一百四年

分門載其名氏行事潔已拯之子也為序傳兩篇述其父之事附于後

且自序立朝本志云与吕献可傳敘云趙成道相善而劾韓玉汝周孟陽亦可概見其為人

儀注類

封禪記五十卷

右皇朝丁謂等撰大中祥符元年詔謂與李宗諤陳彭年以景德五年正月三日天書降於左承天門鴟吻之上迄十月泰山修封事迹儀注詔詰編次成書上之御製序冠之於首

祀汾陰記五十卷

右皇朝丁謂撰大中祥符三年八月降祀汾陰御札

至明年春禮成四年詔與陳彭年編次事迹儀注踰二年成書上之

皇祐會計錄六卷

右皇朝田况元鈞兩為三司使約景德會計錄以皇祐財賦所入多於景德而其出又多於所入著為皇祐會計錄上之冀以悟上庶更立輕制使民完實而縣官有餘用者

吉凶書儀二卷

右皇朝胡瑗翼之撰畧依古禮而以今體書疏儀式附之

謂夏我阻命之後增兵比之景德增一倍加之吏員之益故系虛數其日後民力日疲乃約之謂會計錄

本朝事實三十卷

右皇朝李攸編次雜纂國朝事儀注爲多

服飾圖三卷

右唐李德裕編共五十五事

刑法類

刑統三十卷

右皇朝竇儀等詳定

疑獄二卷

右晉和凝撰纂史傳決疑獄事其上卷凝書也下中卷凝子蒙所續

元豐斷例六卷

右元豐中法寺所斷罪此節文也

諸路將官通用勅二十卷

右皇朝崇寧中修

紹興勅十二卷令五十卷格三十卷式三十

卷政和三年以後赦十五卷

右皇朝張守等紹興中被旨編修

地理類

渚宮舊事十卷

右唐余知古撰自鬻熊至唐江陵君臣人物事迹史

氏傳記所載者悉編次之

水經四卷

右漢桑欽撰成帝時人本經三卷後魏酈道元注道元範之子爲政嚴酷蕭寶夤叛死之史稱道元好學歷覽奇書撰注水經行於世

洛陽伽藍記

右元魏羊銜之撰後魏遷都洛陽一時王公大夫多造佛寺或捨其私第爲之故僧舍之多爲天下最銜之載其本末及事跡甚備

青城山記一卷

右僞蜀杜光庭賓聖撰集蜀山若水在青城者悉本道家方士之言

東京記三卷

右皇朝宋敏求編開封坊巷寺觀官廨私第所在及諸故實極其精博

相臺志十二卷

右皇朝韓琦欲編次未成郡守李琮命郡文學掾陳申之効宋敏求河南志成此書

河南志二十卷

右皇朝宋敏求以唐韋述兩京記爲未備演之爲長

以為考之章記其詳不
若十餘條俱開編纂
如指諸掌其佳物
書

安河南志司馬光為之序

明越風物志七卷

右皇朝姜嶼撰以明州本越地故曰明越又以郭璞注爾雅多引江東故詳載其風物云

蜀記一卷

右皇朝張守約撰載孟昶初降至薨事

皇祐平蠻記一卷

右皇朝馮炳撰儂智高叛朝廷遣狄青平之

成都古今記三十卷

右皇朝趙抃自慶曆至熙寧凡四入蜀知蜀事為詳

據其故實以類相從分百餘門

九域志十卷

右皇朝王存被旨刪定總二十三路京府四次府十州二百四十二軍三十七監四縣一千一百三十五

戴斗奉使錄二卷

右皇朝王曙撰曙景德三年為契丹主生辰使祥符二年為弔慰使所錄也

浮休居士使遼錄二卷

右皇朝元祐甲戌春張舜民被命為回謝大遼弔祭使鄭介為副錄其往返地里及語言也舜民字芸叟

浮休居士其自號云

嘉州志二卷

右皇朝呂昌明撰以嘉州圖經增廣之

西夏須知一卷

右皇朝劉溫潤守延州日編錄偽境雜事

匈奴須知一卷

契丹歸明人田緯編次錄契丹地理官制

蕃爾雅一卷

右不載撰人姓名以夏人語依爾雅譯以華言

雞林志三十卷

右皇朝崇寧中劉達吳拭使高麗王雲爲書記官既歸攜輯其會見之禮聘問之辭類分爲八門

廬山記五卷

右皇朝陳令舉舜俞撰先是劉煥嘗爲記令舉因而增廣之又爲俯視圖紀尋山先後之次云

春秋地譜十二卷

右皇朝楊湜編十二國地皆釋以今州縣名并爲圖於其後蓋常氏已嘗有此書而湜增廣焉

宜春傳信錄三卷

右皇朝羅誘述載其地古今人物及牧守政跡山川

靈異云

袁州孚惠廟錄一卷

右皇朝張慙纂記仰山二神靈異之迹

輿地廣記三十八卷

右皇朝歐陽忞纂自堯舜已來至于五代地里沿革離合皆係以今郡縣名或云無所謂歐陽忞者特假名以行其書耳

青唐錄二卷

右皇朝汪藻撰青唐吐蕃遺種也崇寧中命童貫取湟廓西寧州擒趙懷德上為之御樓受降宰臣蔡京

以下進官有差

三輔黃圖一卷

右未見撰人隋經籍志唐藝文志皆有其目蓋古書也記秦漢以來宮殿門闕樓觀池苑在關輔者曰三輔黃圖言東都不與焉

雲南志十卷

右唐樊綽記雲南山川物產雜事止咸通中

梁益記十卷

右皇朝任弁撰天禧中游宦于成都以蜀記數家其言皆無所據依乃引書傳刊正其謬自為序

楊經籍志卷有黃圖
一卷記三輔宮殿陵廟
明堂辟雍郊時等事
此書已不著撰人姓名
其間頗引劉昭漢志
然則出於梁隋間也

蜀三神祠錄五卷

右皇朝井度編任四川漕日哀梓潼灌口射洪三神祠碑文板記成此書云

番禺紀異五卷

右皇朝馮拯撰拯淳化中謫知端州見嶺表鳥獸草木民俗物情舉異中原錄之類爲三十門凡三百事還朝上之

生辰國信語錄一卷

右皇朝寇瑛撰瑛與康德輿天聖六年使契丹賀其主生辰往返語錄并景德二年至天聖八年使副姓名及雜儀附於後

零陵總記十五卷

右皇朝陶岳撰永州地里志也今永州所部才三縣其所錄多連及數郡自序云以其皆零陵舊地故收之

南行記三卷

右王仁裕撰晉天福三年仁裕被命使高季興記自汴至荆南道塗賦詠及飲宴酬倡殆百餘篇

洛陽名園記一卷

右皇朝李格非撰記洛中園圃自富鄭公以下十九

類文志以書之記國政
得失人事美惡其大者
類為雜史其餘必屬
小說然其間或論一事
若一人者附於雜史以
者皆未家故又為傳記
類今從之如神仙方僧
不附其類而繫于此者
亦以其記一事雜列女
名士也

所其論以為洛陽之盛衰為天下治亂之候園圃之
興廢為洛陽盛衰之候則園記之作豈徒然哉公卿
大夫忘天下治忽欲退亭此得乎唐之末路是也

傳記類

黃帝內傳一卷

右序云錢鏗得之於衡山石室中後至漢劉向於東
觀校書見之遂傳于世

穆天子傳六卷

右晉太康二年汲縣民盜發古冢所得凡六卷八千
五百一十四字詔荀勗和嶠等以隸字寫之云按春

秋左氏傳穆王欲肆其心周行天下將皆有車轍馬
跡焉此書所載即其事也穆王好巡狩得驂驪綠耳
之乘造父為御以觀四荒北絕流沙西登崑崙與太
史公記同汲郡收書不謹多毀缺雖其言不典皆古
書頗可觀覽郭璞注本謂之周王遊行詭勗之時古
文已不能盡識時有闕者又轉寫益誤殆不可讀

漢武內傳二卷

右不題撰人記王母降

漢武故事二卷

右世言班固撰唐張柬之書洞冥記後云漢武故事

王儉造

漢武洞冥記四五卷拾遺一卷

右後漢郭憲子橫撰其序言漢武明雋特異之主東方朔因滑稽浮誕以匡諫洞心於道教使冥跡之奧昭然顯著故曰洞冥

十洲記一卷

右漢東方朔撰班固贊言朔之談諧逢占射覆其事浮淺童兒牧豎莫不眩耀而後世好事者因取奇言怪語附著之朔豈謂此書之類乎

楊貴妃外傳二卷

右皇朝樂史撰敘唐楊妃事迹迄孝明之崩

趙飛燕外傳一卷

右漢伶玄子于撰茂陵卞理藏之於金滕漆櫃王莽之亂劉棻得之傳於世晉荀勗校上

閩川名士傳三卷黃璞一本
作皇甫璞

右唐黃璞撰唐神龍以來閩人知名于世者効楚國先賢傳為之

王子年拾遺記十卷

右梁蕭綺敘錄晉王嘉字子年嘗著書百二十篇載伏羲以來異事前世奇詭之說書逸不完綺拾綴殘

缺而敘之

汾陽王家傳十卷

右唐陳雄撰。雄本汾陽王郭子儀僚吏，後又從事渾瑊幕府，故傳不名。第九卷錄行狀，第十卷錄副佐三十三人大將二十七人，曰忠武將佐畧。

降聖記五十卷

右皇朝丁謂撰。大中祥符五年十月十七日，聖祖降七年，謂請編次事迹，詔李維宋、綬、晏殊同編。天禧元年上之。

先天紀三十六卷

右皇朝王欽若集聖祖趙諱卽軒轅黃帝也，故欽若奉詔編次傳記黃帝事迹，上之，賜名先天紀，御製序冠其首。

柳氏序訓一卷

右唐柳玘敘其祖公綽已下內外事迹，以訓其子孫。吳湘事迹錄一卷。

右唐大中中李紳鎮揚州，陷湘州，以罪抵死。兄汝納後其辯訴其枉狀，錄總裁焉。

王魏公遺事四卷

右皇朝王魏公旦相真宗，其子素錄遺事凡百餘條。

分四卷

王文正公言行錄三卷

右皇朝王文正公會相仁宗其弟暉錄其平生言行凡六十事李清臣爲之序

張忠定公語錄四卷

右皇朝張忠定公詠守蜀有善政其門人李旼紀其語論可以垂世者

西李文正公談錄一卷

右西李文正公昉也相皇朝太宗其子宗諤錄其平生所談十七事

韓魏公家傳二卷

右皇朝韓忠彥撰錄其父琦平生行事近世著史者喜采小說以爲異聞逸事如李繁錄其父泌崔循記其父慎由事悉鑿空妄言前世謂此等無異莊周鮒魚之辭賈生服鳥之對者也而唐書皆取之以亂正史由是近時多有家傳語錄之類行于世陳肇中所以發憤而著書謂魏公名德在人耳目如此豈假門生子煙之間區區自列乎持史筆其慎焉

魏國忠獻公別錄三卷

右皇朝韓魏公琦相仁宗英宗其門人王巖叟記其

言論事實然以國史考之其歲月往往牴牾蓋失之誣也

潛德錄一卷

右皇朝呂誨獻可之孫撰記其祖乞立英宗言章

文潞公私記一帙

右皇朝文彥博所撰元豐初王堯臣之子同老以其父至和中所撰立英宗爲皇子詔草上之且曰時宰相文彥博富弼知狀神宗以問彥博彥博具以實對至元祐中賈易爲言官因爲韓忠彥爭辨其事彥博乃著此其後云自古唯霍禹云縣官非我家將軍不得至此楊復恭自稱定策國老謂昭宗爲門生天子皆鞅鞅不道之言卒被夷滅

鍾山日錄二十卷

右皇朝王安石介甫撰紹興間蔡卞合曾布獻于朝添入神宗實錄陳瑩中謂安石旣罷相悔其執政日無善狀乃撰此書歸過於上掠美于已且歷詆平生不悅者欲以欺後世於是著尊堯集及日錄不合神道論云

嘉祐名臣傳五卷

右皇朝張唐英傳仁宗朝賢臣五十餘人

晁以道揚雄別傳一卷

右族父詹事公撰雜取諸書所載雄逸事爲一編系之以贊

忠臣逆臣傳三卷

右皇朝楊堯臣撰忠臣謂李若水也逆臣謂劉豫也相國鄴侯家傳十卷

右唐李繁撰繁鄴侯之子也太和中以罪繫獄當死恐先人功業不傳乞廢紙拙筆於獄吏以成傳藁戒其家求世間人潤色之後竟不果宋子京謂其辭浮侈云

唐宋科名分定錄三卷

右不題撰人元符間所著書也序云己卯歲得張君房所誌唐朝科場故事今續添五代及本朝科名分定事迄於李常寧云

開元天寶遺事四卷

右漢王仁裕撰仁裕仕蜀至翰林學士蜀亡仁裕至鎬京採摭民言得開元天寶遺事一百五十九條

明皇幸蜀記兩卷

右唐宋巨纂記明皇幸蜀迄於復歸京師

傳信錄

右皇朝鮮于綽大受撰記國朝雜事多言元豐後朝廷政事得失人物賢否

譜謀類

姓源韻譜五卷

右唐張九齡撰依春秋正典柳氏萬姓錄世本圖摺據諸書纂為此譜分四聲以便尋閱

元和姓纂十一卷

右唐林寶撰元和中封閣某於諸家姓氏為太原其人乃言非本郡憲宗令宰相命寶纂諸家姓氏外各依四聲類集每韻之內則以大姓為首

鮮于氏卓絕譜一卷

右唐書藝文志有其目喬琳撰紹興初鮮于戡續之闕里世系一卷

右皇朝孔宗翰重修孔子家譜也唐藝文志有孔子系葉傳今亡其家所藏譜雖曰古本止敘承襲者一人故多疎畧宗翰元豐末知洪州刊于牘紹興中端朝者續之止於四十九代洪興祖又以史記并孔光孔僖傳及太子賢注與唐宰相世系諸書校正且作年譜列于卷首云

書目類

藝文志見闕書目一卷

右唐書藝文志近因朝廷募遺書刻牘布告境內下注書府所闕俾之訪求

崇文總目一卷

右皇朝崇文院書目也隋嘉則殿書三十六萬卷至唐散失已多崇文書比之唐十得二三而已自經丙午之亂存者無幾矣

吳氏西齋目一卷

右唐吳兢錄其家藏書凡一萬三千四百六十八卷兢自撰書附于正史之末又有續抄書列于後

道藏書目一卷

右皇朝鄧自和撰太洞真部八十一秩靈寶洞玄部九十秩太上洞部三十秩太真部九十六秩太平部一十六秩正一部二十九秩凡六部三百一十一秩

大宋史館書目一卷

右皇朝史館書總計一萬五千一百四十二卷

邯鄲圖書十志十卷

右皇朝李淑獻臣撰載其家所藏圖書五十七類釐為十志經史子集通計一千八百三十六部二萬三千二百一十二卷其外又有藝文志道書志畫志通為四目

昭德先生郡齋讀書志卷第二下

昭德先生郡齋讀書志卷第三上

子部

子部其類十六。一曰儒家類。二曰道家類。三曰法家類。四曰名家類。五曰墨家類。六曰縱橫類。七曰雜家類。八曰農家類。九曰小說類。十曰天文曆算類。十一曰兵家類。十二曰類家類。十三曰雜藝類。十四曰醫書類。十五曰神仙類。十六曰釋書類。序九流者以謂皆出於先王之官。咸有所長。及失其傳。故各有弊。非道本然。特學者之過也。是以錄之。又以醫卜技藝亦先王之所不廢。故附於九流之末。夫儒墨名法先王之教。醫卜技藝先王之政。其相附近也。固宜。昔劉歆

既錄神仙之書而王儉又錄釋氏今亦循之者何哉
自漢以後九流浸微隋唐之間又尚辭章不復問義
理之實雖以儒自名者亦不知何等為儒術矣况其
次者哉百家壅底正塗之弊雖息而神仙服食之說
盛釋氏因果之教興雜然與儒者抗衡而意常先之
不為所惑者鮮矣其為患又甚於漢蓋彼八家皆有
補于時特學者失之而莊老猶足以亡晉申商猶足
以滅秦况二教無意于世不自附于聖人若學而又
失之則其禍將如何故存之以為世戒云

儒家類

曾子二卷

曾子者曾參也
春秋稱曾參所撰其
大者公篇中有樂正春
事出首是其所撰
耳

右魯曾參撰漢藝文志曾子十八篇隋志曾子二卷
目一卷唐志曾子二卷今世傳曾子二卷十篇本也
有題曰傳紹述本豈樊宗師歟視隋亡目一篇考其
書已見於大戴禮漢有禮經七十篇后氏戴氏記百
三十一篇七十子後學者所記是時未有大小戴之
分不知曾子在其中歟否也予從父詹事公嘗病世
之人莫不尊事孟子而知子思中庸者蓋寡知子思
中庸者雖寡而知讀曾子者殆未見其人也其以文
字回舛繆誤乃以家藏曾子與溫公所藏大戴叅校

頗為是正而盧注遂行於曾子云

子思子一卷

右周孔^傳字子思撰四庫書目中無之載孟軻問牧
民之道何先子思曰先利之曰^傳君子之教民者亦仁
義而已何必曰利子思曰仁義者固所以利之也上
不仁則下不得其所上不義則下樂為詐此為不利
大矣故易曰利者義之和也又曰利用安身以崇德
也此皆利之大者也溫公采之著之於通鑑

孟子十四卷

右魯孟軻撰漢趙岐注自為章旨析十四篇序云軻

夫利者有三一己之私
利有中人二公利子思
所取公利也其所引
援易之言也蓋子
所辭私利也而身所
謂小人不及利不勸之
利也言利相反而意則
同不與商以優劣論也

鄒人戰國時以儒術干諸侯不用退與公孫丑萬章
之徒難疑答問著書七篇二萬四千六百八十五言
按此書韓愈以為弟子所會集非軻自作今考於軻
之書則知愈之言非妄發也其書載孟子所見諸侯
皆稱謚如齊宣王梁惠王梁襄王滕定公滕文公魯
平公是也夫死然後有謚軻著書時所見諸侯不應
皆死且惠王元年至平公之卒凡七十七年孟子見
惠王王目之曰叟必已老矣決不見平公之卒也故
予以愈言為然

孟子音義二卷

右皇朝孫奭等撰大中祥符中被旨校正孟子因以張鎰于公著音義參考成書上之

五臣解孟子十四卷

右皇朝范祖禹孔武仲吳安詩豐稷呂希哲元祐中同在經筵所進講義貫穿史傳辭旨精贍

橫渠孟子解十四卷

右皇朝張載子厚撰并孟子統說附于後

荀子二十卷

右趙荀况撰漢劉向校定除其重複著三十二篇為十二卷題曰新書稱卿趙人名况當齊宣王威王之

時聚天下賢士稷下是時荀卿為秀才年十五始來遊學至齊襄王時荀卿最為老師後適楚相春申君以為蘭陵令已而歸趙按威王死其子嗣立是為宣王楚考烈王初黃歇始相年表自齊宣王元年至楚考烈王元年凡八十一年則荀卿去楚時僅百歲矣

新書十卷

右漢賈誼撰誼著事勢連語雜事凡五十八篇劉向校定除其重複者或取漢書誼傳附于後

范氏注太玄經十卷

右漢揚雄撰雄字子雲準易而作太玄覃思渾天書

考之漢書、道之著者、未嘗散軼、與班固、所載、時不同、固能云、撮其切于世者、容有潤、益、刊削、之、云、以、惟、者、獨、其、說、經、多、異、其、以、而、得、為、尤、甚、以、弱、是、侯、方、天、子、之、圖、官、書、其、出、為、神

聖之靈與毛次殊不同
學者不可不知也

為三方九州二十七部八十一家以三相乘為八十
一首首為九贊共七百二十九贊二贊當一度以盡
周天三百六十五度又為跨二贊以當四分度之一
以五行為一家起于中孚而終於頤范望字叔明晉
人也為解其序云子雲著玄桓譚以為絕倫張衡擬
五經自侯芭受業之後希有傳者建安中宋衷陸績
解釋之文字繁猥今以陸為本錄宋所長訓理其義
為十卷且以首分居本經之上以測散處贊辭之下
其前又有陸績序以子雲為聖人云

太玄經十卷

右皇朝徐庸注庸慶曆間人也以范望解指義不的
因王涯林氏諸解重為之注取王涯說玄附於後及
自為玄頤通名之為太玄性總其自序云爾又多改
其文字如以乾為仵以姤為姪以牡凡為札乃以半
為手以孿為孿以稚為推之類其所謂林氏者林瑀
也愛文元嘗瀾瑀之姦妾子朝

太玄經疏十八卷

右皇朝郭元亨撰元亨序云昔揚雄作玄傳之侯芭
後獨有張衡桓譚張華見而稱歎吳郡鄒伯岐求本
不能得宋衷為訓解陸績為注解范叔明王涯亦注

此行乃誤入後志温
公集注法言條

之皆未明白元亨在蜀自淳化末迄於祥符八年僅
三十年撰成今疏又云太玄潤色於君平未知出何
書也所據而言然也

法言十三卷

右漢揚雄撰蜀郡中書令皇朝司馬光集晉李軌唐柳宗元皇朝
宋咸吳秘注雄好古學見諸子各以其知舛駁不與
聖人同是非頗繆於經故人時有問雄者常用法言
應之謨以為十二卷象論語號曰法言每篇復為序
贊以發其大意法言之學自得者少其言務擬聖人新法言
形既鮮所發明又任達其本者古人所謂西者僅
新序十卷

新序十卷

右漢劉向撰向當成帝時典校書因採傳記行事百
家之言刪取正辭美義可勸戒者為新序說苑共五
十篇新序陽朔元年上世傳本多亡闕皇朝曾子固
在館中日校正其訛舛而綴緝其放逸久之新序始
復全

說苑二十卷

右漢劉向撰以君道臣術建本立節貴德復恩政理
尊賢正諫法誠善說奉使權謀至公指式談叢雜言
辨物修文為目鴻嘉四年上之闕第十三卷曾子固
校書自謂得十五篇於士大夫家與崇文舊書五篇

自秦之沒綴文之士有
補于世者稱向與揚雄
為最雄之言莫不步
趨孔孟向之言不皆然
諸聖故後者多謂揚
雄優于向者其行事則
反是向裁今觀其書蓋
向能雜博而自得者多
雄能精深而自得者少
故也然則向之書可貴
而行殆過于雄矣此書
其可易之哉

合爲二十篇而敘之然止是析十九卷作修文上下篇耳

鹽鐵論十卷

右漢桓寬次公撰寬汝南人孝昭時丞相御史與賢良文學論鹽鐵事因撰次之

潛夫論十卷

右後漢王符撰在和安之世耿介不同於俗遂不得進隱居著書二十餘篇以譏當時失得不欲彰顯其名故號潛夫云

中論二卷

右後漢徐幹所撰幹鄴下七子之一人也仕魏王國文學建安之間嫉詞人美麗之文不能敷散道教故著中論二十餘篇辭義典雅當世嘉之此本無復三年制役二篇

家訓七篇

右北齊顏之推撰之推本梁人所著凡二十篇述立身治家之法辯正時俗之謬以訓諸子孫

續家訓八卷

右皇朝董正功撰續顏氏之書

家範十卷

右皇朝司馬光君實撰取經史所載賢聖修身齊家之法分十九門編類以訓子孫

正蒙書十卷

右皇朝張載子厚撰張舜民嘗乞追贈載于朝云橫渠先生張載著書萬言名曰正蒙陰陽變化之端仁義道德之理死生性命之分治亂國家之經罔不究通方之前人其孟軻揚雄之流乎

潛虛一卷

右皇朝司馬光擬太玄撰此書以五行爲本五五相乘爲二十五兩之得五十首有氣體性名行變解七

圖然其辭有闕者蓋未成也其手寫草藁一通今在

子健姪房

帝學十卷

右皇朝范祖禹編纂自古賢君下迨祖宗務學事跡爲一編以勸講

理窟二卷

右題曰金華先生未詳何人爲程張氏之學者

文中子中說十卷

右隋王通之門人共集其師之語爲是書通行事於史無考焉隋唐通錄稱其有穢行爲史臣所削今觀

此書乃是已而各篇編次其後門人蘇炳等區別成十七篇又爲前後次序又有胡安國所傳篇爲二卷亦有行狀二卷

中說其迹往往僭聖人模擬竄竊有深可怪笑者獨
貞觀時諸將相若房杜李魏二溫王陳皆其門人予
嘗以此爲疑及見關朗李德林薛道衡事然後知其
皆妄也通生於開皇四年而德林卒以十一年通適
八歲固未有門人通仁壽四年嘗一到長安時德林
卒已九載矣其書乃有予在長安德林請見歸援琴
鼓蕩之什門人皆霑襟關朗在太和中見魏孝文自
太和丁巳至通生之年甲辰蓋一百七年矣而其書
有問禮於關子明隋書薛道衡傳稱道衡仁壽中出
爲襄州總管至煬帝卽位召還本紀仁壽二年九月
襄州總管周搖卒道衡之出當在此年也通仁壽四
年始到長安是年高祖崩蓋仁壽末矣又隋書稱道
衡子收初生卽出繼族父孺養於孺宅至於長成不
識本生其書有內史薛公見子於長安語子收曰汝
往事之用此三事推焉則以房杜輩爲門人抑又可
知也

刪孟

右皇朝馮休撰其序云觀孟軻書時有叛逆經者殆
軻之沒其門人妄有附益耳將刪去之懼得罪於獨
見遂著書十七篇以別其僞其後溫公蘇子瞻皆嘗

疑軻之言有與經不合者蓋始於休云

太玄經解十卷并發隱二卷釋文一卷

右皇朝張啓撰嘉祐中成都帥蔣堂獻其書于朝詔書寵獎賜號同退處士實錄稱啓字隱之雙流人通經術善屬文性恬淡屏居林泉以養生治氣爲事

道家類

河上公注道德經二卷

右李耳撰以周平王四十二年授關尹喜凡五千七百四十有八言八十一章言道德之旨其末云使民復結繩而用之蓋三皇之道也河上公注晉葛洪曰

河上公者莫知其姓名漢孝文時居河之上侍郎裴楷言其通老子孝文詣問之卽授素書道德經章句二卷其書頗言吐故納新按摩步行之術近神仙家也傳奕謂常善救人故無棄人常善救物故無棄物四句古本無有獨得於河上公耳

老子疏六卷

右唐玄宗撰玄宗既爲注又爲疏六卷唐藝文志有之天寶中加號玄邁道德經世不稱之嘗以河上公本校之不同者百餘字以校世傳本當乙者五字當注者五十五字當塗者三十八字最與御注不同如

此云天下柔弱莫過於水而堅強者莫能勝以無能
易之而御注作天下莫柔弱於水而故堅強者莫之
能先以其無以易之也如此本云恬惓爲上勝而不
美而美之者是樂殺人者不可得志於天下矣吉事
尚左凶事尚右偏將軍處左上將軍處右言以喪禮
處之御注本恬惓爲上故不美也若美必樂之樂之
者是樂殺人也夫樂殺人者不得志於天下矣故吉
事尚左凶事尚右偏將軍處左上將軍處右言以喪
禮處之其不同至如此

三十家注老子八卷

右唐蜀郡岷山道士張君相集河上公嚴遵君平王
弼輔嗣郭象子玄鍾會士秀孫登公和羊祐叔子羅
什盧裕仲儒劉仁會顧歡景怡陶隱居松靈仙裴處
恩杜弼節解張憑張嗣臧玄靜大孟小孟竇畧宋文
明褚粲劉進喜蔡子晃成玄英車惠弼等注君相稱
三十家而列其名止二十有九蓋君相自爲一家言
并數之爾君相不知何時人而謂成玄英爲皇朝道
士則唐天寶後人也絕學無憂一句附絕聖棄知章
下以唯之與阿別爲一章與諸本不同

老子指歸十三卷

其章句頗與諸本不同
此以四例全章末字
為後章首之款

右漢嚴遵撰谷神子注本理國修身清淨無為之說
按唐志有嚴遵指歸四十卷馮廓注指歸十三卷此
本有序注而題谷神子疑即廓也

王介甫注老子二卷王元澤注二卷呂吉甫

注二卷陸佃注二卷劉仲平注二卷

右皇朝王安石介甫注介甫平生最喜老子故解釋
最所致力如無名天地之始有名萬物之母常無欲
以觀其妙常有欲以觀其徼皆於有無字下斷句與
先儒不同他皆類此後其子雱其黨呂惠卿陸佃劉
仲平皆有老子注

蘇子由注老子二卷

右皇朝蘇轍子由注子由謫官筠州頗與學浮屠者
游而有所得焉於是解老子中庸曰喜怒哀樂未發
之謂中發而皆中節之謂和致中和天地位焉萬物
育焉此非佛法而何六祖謂不思善不思惡則喜怒哀
哀樂之未發也蓋中者佛法之異名而和者六度萬
行之總目也致中極和而天地萬物生於其間此非
佛法何以當之天下無二道而所以治人則異古之
聖人忠信行道而不毀世法以此耳故解老子亦時
有與佛法合者其自序如此其解是謂襲明以為釋

氏傳燈之類

劉巨濟注老子二卷

右皇朝劉涇巨濟注。涇蜀人。篤志於學。文詞奇偉。早登蘇子瞻之門。晚受知於蔡京。除太學博士。

文子十二篇

右李暹注。其傳曰。姓辛氏。葵丘濮上人。號曰計然。范蠡師事之。本受業於老子。文子錄其遺言爲十二篇。云。按劉向錄文子九卷而已。唐志錄暹注與今篇次同。豈暹析之歟。顏籀以其與孔子並時而稱周平王。問疑依託者。然三代之書經秦火之後。幸而存者。其錯亂參差類如此。小雅周公作也。而有張仲孝友。列子鄭穆公時人。而有子陽餽粟是也。李暹師事僧般。若流支。蓋元魏人也。

列子冲虛至德真經八卷

右鄭列禦寇撰。禦寇劉向校定八篇。云。繆公時人。學本於黃帝老子。清虛無爲。務崇不競。其寓言與莊周類。晉張湛注。唐號冲虛真經。皇朝加至德之號。力命篇言壽夭不存於葆養。窮達不係乎智力。皆天之命也。楊朱篇言肆耳目之欲而不恤生之危。縱酒色之娛而不顧名之醜。是之謂制命於內。劉向以二義乖

背不似一家之言。予以為非也。道家之學本謂世衰道喪，物偽滋起，或騁智力以圖利，不知張毅之走高門，竟以病殞；或背天真以徇名，不知伯夷之在首陽，因以餒終。是以兩皆排擯，欲便好利者不巧詐以干命，好名者不矯妄以失性爾。非不同也。雖然，儒者之道則異乎是。雖壽夭窮達之非人力也，必脩身俟焉，以為巖墻之下而死者，非正命也。雖知耳目之於聲色，有性焉，以為其樂也，外而不易，吾內嗚呼，以此自為，則為愛己，以此教人，則為愛人。儒者之道，所以萬世而無弊歟。

莊子南華真經十卷

右莊周撰。晉郭象注。周為蒙漆園吏。按漢書志書本五十二篇。晉向秀郭象合為三十三篇。內篇八，外篇十五，雜篇十一。唐世號南華真經。自孔子沒，天下之道術日散。老聃始著書垂世，而虛無自然之論起。周又從而羽翼之。梧擊百世之聖人，彈踐天下之聖法，而不忌其言，可謂反道矣。自荀卿揚雄以來，諸儒莫不闢之而放者，猶自謂游方之外，尊其學以自肆。於是乎禮教之大壞，戎狄亂華，而天下橫流。兩晉之禍，是已。自熙寧元豐之後，學者用意過中，見其書末篇。

論天下之道術雖老聃與其身皆列之為一家而不
及孔子莫不以為陽訛孔子而陰尊焉遂引而內之
殊不察其言之指歸宗老氏邪宗孔氏邪既曰宗老
氏矣庸詎有陰助孔氏之理也邪至其論道術而有
是言蓋不得已耳夫盜之暴也又何嘗不知主人之
為主人邪顧可以其智及此遂以為尊我開闢揖而
進之乎竊懼夫禍之過乎兩晉也

南華真經疏三十三卷

右成玄英撰本郭象注為之疏義玄英字子實陝州
人隱居東海貞觀五年召至京師加號西華法師永

徽中流郁州書成道士王元慶邀文學賈鼎就授大

義嵩高山人李利涉為之序疏云莊周字子休師長桑

鵠冠子三卷

篇理深故別為三卷自外篇稱篇其也

右按漢志鵠冠子楚人不顯名氏居深山以鵠羽為
冠因自號焉著書十五篇論三才變通古今治亂之
道唐柳宗元嘗辯此書非古而韓愈獨稱焉二人皆
名儒未知孰是

亢倉子二卷

右唐柳宗元曰太史公為莊周列傳稱其為書畏累
亢桑子皆空言無事實今世有亢桑子書其首篇出

右班固載鵠冠子楚人
居深山以鵠為冠著書
一篇因以名之唐韓愈稱
愛其情選與列子篇而柳
宗元以其多取賈誼非斥
之書四庫書目鵠冠子
三十六篇與愈合已非漢志
之舊今書乃以卷前三卷三
篇與今所傳墨子書同中
三卷十九篇愈所稱兩卷
皆在宗元非之若篇名世
無心在後兩卷者十九篇
多移引漢以後事皆後
人撰亂附益之今刪去
後五卷止存十九篇庶
得其真其詞據考矣

刑名之意皆淺鄙宗元
評美與不誣

莊子而益以庸言蓋周所云者尚不能有所事實又况
取其語而益之者其為空言尤也劉向班固錄書無
亢倉子而今之為術者乃始為之傳注以教於世不
亦惑乎按大唐天寶元年詔號亢桑子為洞靈真經
然求之不獲襄陽處士王士元謂莊子作庚桑子太
史公作亢倉子其實一也取諸子文義類者補其亡
今此書乃士元補亡者宗元不知其故而遽摭擊之
可見其銳于譏議也其書多作古文奇字豈內不足
者必假外飾與何璨注

素書一卷

右題黃石公著凡一千三百六十六言其書言治國
治家治身之道而彪亂無統蓋采諸書以成之者也
無盡居士注素書一卷

右皇朝張商英注商英稱素書凡六篇按漢書黃石
公圯上授子房世人多以三畧為是蓋誤也晉鮑有
盜發子房塚玉枕中獲此書云商英之言未有信者

抱朴子內篇二十卷外篇十卷

右晉葛洪撰洪字稚川丹陽句容人元帝時累召不
就止羅浮山鍊丹著書推明飛升之道導養之理黃
白之事二十卷名曰內篇十卷名曰外篇自號抱朴

子因以命書

陰符經一卷

右唐少室山布衣李筌序云陰符經者黃帝之書或曰受之廣成子或曰受之玄女或曰黃帝與風后玉女論陰陽六甲退而自著其事陰者暗也符者合也天機暗合於事機故曰陰符皇朝黃庭堅魯直嘗跋其後云陰符出於李筌熟讀其文知非黃帝書也蓋欲其文奇古反詭譎不經蓋糅雜兵家語又妄託子房孔明諸賢訓注尤可笑惜不經柳子厚一掎擊也

後太公范蠡在鬼石張良諸葛曰亮

法家類

管子十八卷

右齊管夷吾撰書富國之要述輕重九府取人之制劉向校八十一篇今亡一篇五十八篇有注解按杜佑指畧序云房玄齡所注或云唐尹知章注未詳

韓子二十卷

右韓非撰非韓諸公子喜刑名法術以富國彊兵法制之策于韓王不用作孤憤五蠹說林說難十餘萬言秦王見書歎曰得此人與之游死不恨急攻韓得非後用李斯之毀下吏治救之不及

商子五卷

右秦公孫鞅撰衛之庶孽相秦封商好刑名之學秦委以政遂致富彊卒以刻薄致誅所著本二十九篇今亡者三篇

名家類

尹文子三卷

右仲長氏所定尹文子篇序稱文子當齊宣王時居稷下學於公孫龍龍稱之而前漢藝文志敘此書在龍書上顏師古謂文嘗說齊宣王在龍之前史記云公孫龍客于平原君君相趙惠文王惠文王元年齊宣王沒已四十餘歲矣則知文非學於龍者也今觀

其書雖專言刑名然亦宗六藝數稱仲尼其叛道者蓋鮮豈若龍之不宗賢聖好怪妄言哉李獻臣云仲長氏統也熙伯繆襲字也傳稱統卒於獻帝遜位之年而此云黃初未到京師豈史之誤乎此本富順李氏家所藏者謬誤殆不可讀因爲是正其甚者疑則闕焉

鄧析子二卷

右鄧析二篇文字訛缺或以繩爲澠以巧爲功頗爲是正其謬且撮其旨意而論之曰先王之世道德脩明以仁爲本以義爲輔誥命謨訓則著之書諷頌箴

規則寓之詩禮樂以彰善春秋以懲惡其始雖若不
同而其歸則合猶天地之勢殊而育物之化均寒暑
之氣異而成歲之功一豈非出於道德而然邪自文
武既沒王者不作道德晦昧於天下而仁義幾于熄
百家之說蠢起各求自附於聖人而不見夫道之大
全以其私知臆說譁世而惑衆故九流皆出於晚周
其言各有所長而不能無所失其長蓋或有見於聖
人而所失蓋各奮其私知故明者審取舍之而已然
則析之書豈可盡廢哉左傳曰駟歛殺析而用其竹
刑班固錄析書於名家之首則析之學蓋兼名法家

也今其書大旨訐而刻真其言也無可疑者而其間
時勦取他書頗駁雜不倫豈後人附益之與

人物志三卷

右魏劉劭撰凡一十二篇偽涼劉昞注以人物情性
志氣不同當審察材理各等列云

墨家類

墨子五十卷

右宋墨翟撰戰國時爲宋大夫著書七十一篇以貴
儉兼愛尊賢右鬼非命尚同爲說云荀孟皆非之而
韓愈獨謂辨生於末學非二師之道本然也

右邯鄲劉劭才撰偽
涼燉煌劉昞注以人言
益志尚不同當以九徵以
審察察而任使凡十
六篇劭初慮所存慮
潛殺孔融者不知劭書
為何等而劭受其知也

晏子春秋十二卷

右齊晏嬰也。嬰相景公。此書著其行事及諫諍之言。昔司馬遷讀而高之。而莫知其所以為書。或曰晏子之後為之。唐柳宗元謂遷之言乃然。以為墨子之徒。有齊人者為之。墨好儉名世。故墨子之徒尊著其事。以增高為己術者。且其旨多尚同兼愛。非樂節用。非厚葬久喪。非儒明鬼。皆出墨子。又往往言墨子聞其道而稱之。此甚顯白。自向歆彪周皆錄之。儒家非是。後宜列之墨家。今從宗元之說云。

縱橫家類

鬼谷子三卷

右鬼谷先生撰。按史記戰國時隱居潁川陽城之鬼谷。因以自號。長於養性治身。蘇秦張儀師之。受縱橫之事。敘謂此書即授秦儀者。擗闔之術。十三章。本經持樞中經三篇。梁陶弘景注。柳子厚嘗曰。劉向班固錄書無鬼谷子。鬼谷子後出而險。盤峭薄。恐其言妄亂世。難信尤者。晚乃益出七術。怪謬異甚。言益隘。使人猖狂失守。來鵠亦曰。鬼谷子昔教人詭給激訐。揣測儉滑之術。悉備於章學之者。惟儀秦而已。始擗闔飛箝。實今之常態。是知漸漓之後。不讀鬼谷子書者。

隋志以為蘇秦秦書。志以為尹知章注。未知孰是。陸龜蒙詩謂鬼谷。音度。谷先生名利。不詳。所從出。

其行事皆得自然符契也昔倉頡作文字鬼爲之哭
不知鬼谷作是書鬼何爲邪世人欲知鬼谷子者觀
二子言畧盡矣故掇其大要著之篇

戰國策三十三卷

右漢劉向校定三十三篇東西周各一秦五齊六楚
趙魏各四韓燕各三宋衛中山各一舊有五號向以
爲皆戰國時游士策謀改定今名其事則上繼春秋
下訖楚漢之起凡二百四十五年崇文總目多闕至
皇朝曾鞏校書訪之士大夫家其書始復完漢高誘
注今止十篇餘逸歷代以其記諸國事載於史類予

謂其紀事不皆實錄難盡信蓋出學縱橫者所著當
附於縱橫家云

雜家類

呂氏春秋二十六卷

右秦呂不韋撰後漢高誘注按史記不韋傳云不韋
相秦招致辨士厚遇之使人人著所聞集論以爲八
覽六論十二紀二十餘萬言以爲備天地萬物古今
之事號曰呂氏春秋布咸陽市門懸千金其上延諸
侯遊士賓客有能增損一字予千金之

淮南子二十一卷

時人言增損者高誘以爲
非不能也畏其勢耳昔張
侯論及世所貴者惟洪論
五行注也學者尚之二人
之執能使其書傳
以此況不韋權任之盛
而子者易取信其意而
有所更易乎漢書云
呂氏春秋十二紀本周書
後儒宜於禮記善矣
而目之爲呂氏金說也

辨曰鴻烈鴻大也烈明也以為大明道之言也
辟又諱以長為修後漢許慎注慎自名注曰
元上今存原道慎真天
文地形則實宜精神
本經主術終稱瘠俗
道在記論詮言近略
沈山沈林等十七篇李
氏書目云云第七第十
九止出亦文目則云存者
十篇蓋亦文止六篇崇
文止三篇家本又少其
一求善本其王
以方徽兵西戎子華
子徽政于秦夫秦
上表

右漢劉安撰安淮南厲王子也襲封招致儒士賓客
講論道德總統仁義作為內書(二十一)篇後漢許慎
注慎標其首皆曰間詰次日淮南鴻烈自名注日記
上第七十九闕

子華子十卷

右其傳曰子華子程氏名本晉人也劉向校定其書
按莊子稱子華子見韓昭侯陸德明以為魏人既不
合又藝文志不錄子華子書觀其文辭近世依託為
之者也其書有子華子為趙簡子不悅又有秦襄之
卒在春秋前而趙簡子與孔子同時相去幾二百年

其牴牾類如此且多用字說謬誤淺陋殆元豐以後
舉子所為爾

論衡三卷

右後漢王充仲任撰充好論說始如詭異終有實理
以俗儒守文多失其真乃閉門潛思戶牖墻壁各置
刀筆著論衡八十五篇釋物類同異正時俗嫌疑後
蔡邕得之秘玩以為談助云

金樓子十卷

右梁元帝撰繹書十五篇論歷古興亡之迹箴戒立
言志怪雜說自敘著書聚書通曰金樓子者在藩時

世謂漢文章湯厚尔
雅及其東也己表觀此
書与潜夫論風俗通
義之類比西京諸書
驟不及遠甚乃知世人
之言不証

右唐趙蕤撰北夢瑣言
言蕤梓州鹽亭人博學
韜略於長子世夫
婦俱愿操不應辟
名論王西朝機變長
短之術第十九卷載
陰謀家法今存
者六十四篇

易大傳自昭作卦
至國果未報曰符
微皆記其本起檀弓
所述亦皆物之始也
則事始之書者自
儒今以其所取
於禮宗

自號

長短經十卷

右唐趙蕤撰論王霸機權正變長短之術凡六十三
篇第十九載兵權陰謀云

致理書十卷

右唐朱朴撰乾寧中為國子毛詩博士論述時務凡
五十篇上之

事始三卷

右唐劉孝孫等撰太宗命諸王府官以事名類推原
初始凡二十六門以教始學諸王云

續事始五卷

右偽蜀馮鑑廣孝孫所著

事原錄

右皇朝朱繪撰其書事始之類也

炙轂子雜錄注解五卷

右唐王叡撰二儀實錄古今注載事物之始樂府題
解樂府所由起叡輯纂數家之言正誤闕疑補遺削
冗劉允併歸一編云

宋齊正化書六卷

右偽唐宋齊正化書張耒文潛嘗題其後云齊正

吾嘗論黃老之道德
本於清淨無不遠去
情欲而其末流多流而
為智術刑名何哉仁義
生于恩生于人情則
人情情而不遠者必
情之生于仁義孰
則思矣此刑名之所
用也

之智特犬鼠之雄耳蓋不足道其為化書雖皆淺機
小數亦微有以見於黃老之所謂道德其能成功有
以也文章頗亦高簡有可喜者其言曰君子有奇智
天下不耕雖聖人出斯言不廢

農家類

齊民要術十卷

右元魏賈思勰撰記民俗歲時治生種時之事凡九
十二篇

四時纂要五卷

右唐韓謬撰謬徧閱農書取廣雅爾雅定土產取月

令家令敘時宜採汜勝種樹之書掇崔實試穀之法
兼刪韋氏月錄齊民要術編成

歲華紀麗四卷

右唐韓謬撰分四時十二月節序以事實為偶儷之
句附著之

錢譜十卷

右梁顧烜嘗撰錢譜一卷唐張台亦有錢錄兩卷皇
朝紹聖間李孝美以兩人所纂舛錯增廣成十卷分
八品云

錢譜十卷

右皇朝董道撰。道之祖嘗得古錢百，令道考次其文譜之。以前世帝王世次為序，且言梁顧烜唐封演之譜漫汗蔽固不可用，其譜自太昊葛天氏至堯舜夏商皆錢幣其穿鑿誕妄至此。

茶經三卷

右唐陸羽字鴻漸漸撰。載產茶之地，造作器具，古今故事分十門。

煎茶水記一卷

右唐張又新撰。其所嘗水凡二十種，因第其味之優劣。

茶譜一卷

右魏偽蜀毛文錫撰。記茶故事，其後附以唐人詩文。

建安茶錄三卷

右皇朝丁謂撰。錄建安園焙之數，圖其器具，敘採制入貢法式。唐今洛陽羨茶有方知百萬億，養生。

北苑拾遺一卷

右皇朝劉異採新聞遺事，附丁晉公茶經之末。

補茶經一卷

右皇朝周絳以陸羽茶經不載建安故補之。又一本有陳

試茶錄一卷

假水之功，絳則載諸水，經不名云。

建州研膏茶起于南唐，太平興國中始進御，謂咸平中為潤滑，監皆州吏創造，規模精緻，謹三載。

北苑建州地名，茶為天下最異，慶曆初在吳興採新，引附于丁謂茶錄之末，其書言滁唐不調心甚備，以補謂之缺也。

葉皇祐中修注在宗
常面論云昨州所進
龍園其精其退而
記其法試之法成書
卷上進之世傳歐州
君謨進小園茶數日
君謨土人何故以此
以上在試茶錄下

東蘇志建州地名其
序謂七州至國朝早
未之異則產脂茶為
子人物之秀則產狀之
宰相皆前代所未有以
時而歎可謂美矣後
其草未厚味難多冷
其人物多習雜獨任
心化與未之異云
以上在東蘇試茶錄下

右皇朝蔡襄撰記其烹試之法

東谿試茶錄一卷

右皇朝朱子安集拾丁蔡之遺

荔支譜一卷荔支故事一卷

右皇朝蔡襄撰記建安荔支味之品第凡三十餘種

古今故事

酒經三卷

右皇朝朱肱撰記釀酒諸法并麴蘖法

續酒譜十卷

右唐鄭遨雲叟撰輯古今酒事以續王績之書

忘懷錄三卷

右皇朝元豐中夢溪丈人撰所集皆飲食器用之式
種藝之方可以資山居之樂者不詳其名氏或云沈
括也


十月校至夜半連雨不止

昭德先生郡齋讀書志卷第三上

昭德先生郡齋讀書志卷第三下

小說類

太平廣記五百卷



右皇朝太平興國初詔李昉等取古今小說編纂成書同太平御覽上之賜名廣記

補姤記一卷

右古有姤記久已亡之不知何人輯傳記中婦人嚴姤事以補亡自商周至于唐初

吉凶影響十卷

右皇朝岑象求編熙寧末閑居江陵披閱載籍見善

惡報應事輒刪潤而記之間有聞見者難於備載亦
采摘著于篇

文房四譜五卷

右皇朝蘇易簡撰集古今筆硯紙墨本原及其故實
繼以賦頌述作有徐鉉序

紺珠集十三卷

右皇朝朱勝非編百家小說成此書舊說張燕公有
紺珠見之則能記事不忘故以為名

類記六十卷

右皇朝曾慥編其序云閑居銀峰因集百家之說纂

集成書可以資治體助名教供笑談廣聞見

二百家類事六十卷

右分門編古今稗官小說成一書雖曰該博但失於
大畧耳不題人姓氏

世說新語十卷

右宋劉義慶撰劉孝標注紀東漢以後事分三十八
門唐藝文志云劉義慶世說八卷劉孝標續十卷而

崇文總目止載十卷當時孝標續義慶元本八卷通

成十卷耳家本有二一本極詳一本殊畧未知孰為

正然其目則同劉知幾頗言非其實錄

周名日用西京賦曰小說
九百起自唐虞初唐虞初周
人史其小說主者尚矣然
世不過法意下紀續
依記談諧之類而已其
後史自務采異聞往
取主叙直何為小說者
始多及人之善惡甚者

肆嘉忠之私受是非之
實以漢法世至于譽相
溫而數陶依存唐相而
貶陸贄者有之今以志
惟者為上存疑者為下
右存傳物志而之注
四卷目下

博物志十卷

右晉張華茂先撰周日用注載歷代四方奇物異事

首卷有理畧後有讚文

兩本前六卷略同後四卷者稍多而言後四卷

述異記二卷

右梁任昉撰昉家藏書三萬采前世異聞成書

譚賓錄十卷

右唐胡璩子溫撰皆唐朝史之所遺文武間人

劇談錄三卷

右康駟字駕言撰乾符中登進士第書載唐世故事

因話錄六卷

右唐趙璘撰字澤章大中時為衢州刺史記唐史逸事

戎幕閑談一卷

右唐韋絢撰太和中為李德裕從事記德裕所談

劉公嘉話錄一卷

右唐韋絢撰劉公謂禹錫絢字文明執誼子也咸通中節度義武幼從學於禹錫錄其話言

家學要錄一卷

右唐柳珵撰採其曾祖彥昭祖芳父冕家集所記累朝典章因革時政得失著此錄小說之尤者也

常侍言旨一卷

右唐柳琔記其世父芳所著凡六章未有劉幽求及上清傳附

樹萱錄一卷

右序稱纂尚書滎陽公所談

陸氏集異記二卷

右唐陸勳纂語怪之書也凡三十二事言犬怪者居三之一

資暇三卷

右唐李匡義又濟翁撰序稱世俗之談類多訛誤雖有

見聞嘿不敢證故著此書上篇正誤中篇談原下篇本物以資休暇云

封氏見聞記五卷

右唐封演撰分門記儒道經籍人物地理雜事且辨俗說訛謬蓋著其所見聞如此

芝田錄一卷

右敘謂嘗憇緱氏故取潘岳西征賦名其書記隋唐雜事未詳何人總六百條

朝野僉載補遺三卷

右唐張鷟文成撰分三十五門載唐朝雜事鷟自號

浮休子蓋取莊子其生也浮其死也休之義

雲溪友議三卷

右唐范攄撰記唐開元以後事攄五溪人故以名其書

杜陽雜編三卷

右唐蘇鶚字德祥光啓中進士家武功杜陽川雜錄廣德以至咸通時事

金華子三卷

右唐劉崇遠撰金華子崇遠自號也錄唐大中後事一本題曰劉氏雜編

乾饌子三卷

右唐溫庭筠撰序謂語怪以悅賔無異饌味之適口故以乾饌命篇

幽閑鼓吹一卷

右唐張固撰紀唐二十餘事懿僖間人酉陽雜俎二十卷續十卷

右唐段成式撰自序云縫掖之徒及怪及戲無侵於

儒詩書為大羹史折俎子為醯醢大小二酉山多藏

奇書故名酉陽雜俎分三十門為二十卷其後又續

十卷

光憲蜀人後陽班元
澄遊多引唐世賢哲
言行因宜余輯之且附以
五代十國事

北夢瑣言三十卷

右荆南孫光憲撰取傳畋於江南之夢以其為高氏
從事在荆江之北故以命篇編本記唐至五代及十國雜
事

朝廷卓絕事一卷

右唐陳鉅撰記唐朝忠賢卓絕五十事

卓異記一卷

右唐李翱撰或題云陳翱記唐室功業特異并其臣
美事二十七類

披言十五卷

右唐王定保撰八十三門記唐朝進士應舉登科雜
事

宣室志十卷

右唐張讀聖朋撰纂輯仙鬼靈異事名曰宣室志者
取漢文召見賈生論鬼神之義苗台符為之序

洽聞記三卷

右唐鄭常撰記古今神異詭譎事凡百五十六條或
題曰鄭遂

續玄怪錄十卷

右唐李復言撰續牛僧孺書也

異聞集十卷

右唐陳翰編以傳記所載唐朝奇怪事類為一書

甘澤謠一卷

右唐袁郊撰載譎異事九章咸通中久雨臥疾所著故曰甘澤謠

稽神錄十卷

右南唐徐鉉撰記怪神之事序稱自乙未歲至乙卯凡二十年僅得百五十事楊大年云江東布衣蒯亮好大言夸誕鉉喜之館於門下稽神錄中事多亮所言

河東記三卷

右不著撰人亦記譎怪之事

博異志

右題曰谷神子纂不知撰人志怪之書也

北里志一卷

右唐孫棨撰記大中進士游俠平康事

集異記三卷

右唐薛用弱撰集隋唐間譎詭之事一題曰古異記首載徐佐卿化鶴事

尚書故實一卷

孫光憲云棨之意在
漢唐相樞以蓋樞之
與其甥通樞知之感以
妻之殺家人以滅口云

右唐李綽編崇文目謂尚書卽張延賞也綽記延賞所談故又題曰尚書談錄按其書稱嘉貞爲四世祖疑非延賞也

唐語林十卷

右未詳撰人效世說體分門記唐世事新增嗜好等十七門餘仍舊云

史話三卷

右不題撰人自後漢及江左朝野雜事皆記之

傳音三卷

右唐裴鉶撰鉶高駢客故其書所記皆神仙怪譎事

駢之惑呂用之未必非鉶輩導諛所致

稽神異苑十卷

右題云南齊焦度撰雜編傳記鬼神變化及草木禽獸妖怪譎詭事按焦度南安氏也質訥朴戇以勇力事高帝決不能著書又卒於建元四年所紀有梁天監中事必非也唐志有焦路窮神秘苑十卷豈卽此書而相傳之訛與

賈氏談錄一卷

右僞唐張洎奉使來朝錄典客賈黃中所談三十餘事歸獻其主

秘閣閑談五卷

右皇朝吳淑撰記秘閣同僚燕談

淑仕南唐後隨李煜降丹陽人

洞微志十卷

右皇朝錢希白述記唐以來譎詭事

乘異記三卷

右皇朝張君房撰其序謂乘者載記之名異者非常之事蓋志鬼神變怪之書凡十一門七十五事

郡閣雅言一卷

右皇朝潘若同撰太宗時守郡與僚佐話及南唐野逸賢哲異事佳言輒疏之于書凡五十六條以資雅

言或題曰郡閣雅談

楊文公談苑八卷

右皇朝宋庠編初楊公億里人黃鑑哀撰平生異事為一編庠取而刪類之分為二十一門

晉公談錄一卷

右皇朝丁謂封晉公不知何人記其所談此書襄陽董識得之於洪州潘延之晉公甥也疑延之所作

江鄰幾雜誌

右皇朝江休復撰休復歐陽永叔之執友其所記精博絕人遠甚鄰幾其字也

又名嘉祐雜誌

書錄解題作即詞雜言題疑美善大夫潘欽沖撰

景文筆錄三卷

右皇朝宋祁撰皆故事異聞嘉言奧論可爲談助不知何人所編每章冠以公曰景文乃祁謚也

東齋記十卷

右皇朝范鎮景仁元豐中撰序言旣謝事日於東齋燕坐追憶在朝時交遊言語與夫俚俗傳說因纂集成一編崇觀間以其及國朝故事禁之

該聞錄十卷

右皇朝李昉撰昉蜀人張詠客也與范鎮友善熙寧中致仕歸與門人賓客燕談哀哀忘倦門人請編錄遂以該聞爲目又有雜詩十二篇系于後

筆談二十六卷

右皇朝沈括存中撰括好功名城永樂不克貶死而實高材博學多技能音律星曆尤邃自序云退處林下深居絕過從所與談者唯筆硯而已故以命其書凡十七目

春明退朝錄三卷

右皇朝宋敏求次道撰多記國朝典故其序云熙寧三年予奉朝請于春明里因纂所聞也

湘山野錄四卷

右皇朝熙寧中僧文瑩撰記國朝故事

孔氏雜誌一卷

右皇朝孔武仲撰論載籍中前言往行及國家故實賢哲文章亦時記其所見聞者

倦遊雜錄八卷

右皇朝元豐初張師正撰序言倦遊云者仕不得志聊書平生見聞將以信于世也自以非史官雖書善惡而不敢褒貶

玉壺清話十卷

右皇朝僧文瑩元豐中撰自序云文瑩收國初至熙

寧中文集數千卷其間神道墓誌行狀實錄奏議之類輯其事成一家言玉壺隱居之潭也

衣冠嘉話一卷

右未詳何人撰記國初至熙寧中雜事

南遷錄二卷

右皇朝張舜民芸叟撰舜民元豐中從軍攻靈州師還謫授柳州監酒卽日之官記塗中所歷并其詩文

茆亭客話十卷

右皇朝黃休復撰茆亭其所居也暇日賓客話言及虛無變化謠俗卜筮雖異端而合道旨屬懲勸者皆

錄之

澠水燕談十卷

右皇朝王闢紹聖間撰澠水其退居之地也闢從仕四方與賢士大夫燕談有可取者輒紀之久而得三百六十餘事

漁樵閑話二卷

設漁樵問答及史傳雜事不知何人所爲

後山詩話二卷

右皇朝陳師道無已撰論詩七十餘條

續詩話一卷

右皇朝司馬光君實撰序云詩話尚有遺者歐公文章聲名雖不可及然記事一也故敢續之

東坡詩話二卷

右皇朝蘇軾號東坡居士雜書有及詩者好事者因集之成二卷

歐公詩話一卷

右皇朝歐陽修永叔撰修退居汝陰戲作此以資談笑

中山詩話二卷

右皇朝劉攽貢父撰多及歐梅蘇石攽以博學名世

如言蕭何未嘗掾工曹亦有誤謬

詩眼一卷

右皇朝范溫元實撰。溫范祖禹之子。學詩於黃庭堅。歸叟詩話六卷

右皇朝王直方立之撰。直方自號歸叟。元祐中蘇子瞻及其門下士以盛名居北門東觀。直方世居浚儀。有別墅在城南。殊好事。以故諸公亟會其家。由是得聞緒言餘論。因輯成此書。然其間多以已意有所抑揚。頗失是非之實。宣和末京師書肆刻印鬻之。羣從中以其多記從父詹事公話言。得之以呈。公取覽之。不憚曰。皆非我語也。

東軒筆錄十五卷續錄一卷

右皇朝魏泰撰。襄陽人。曾布之婦弟。為人無行。而有口。頗為鄉里患。苦元祐中紀其少時公卿間所聞。成此編云。

冷齋夜話六卷

右皇朝曾惠洪撰。崇觀間記一時雜事。惠洪喜遊公卿之門。後生事配隸。嶺表。

青瑣高議十八卷

右不題撰人。載皇朝雜事及名士所撰記傳。然其所

其所是非多不可信。心者章傳教稱其長。則大段亦已可見。又多為証。其舉其公。如謂王沂公登甲科。則子儀為翰林。與士常戲之。指沂公登科。後在子儀後四年。其公翰。林沂公反在子儀前二年。沂公咸平五年登科。子儀天禧三年始除與士。蓋相去二十年。其謬如此。

多記蘇東坡事。皆依托也。江淹擬陶明詩。其詞浮淺。洪既誤以為真。淵明語。且云東坡。豈不稱其玉趾。鬼谷子書。世所共見。而云有崖。豈不

批思之言。在坡椒樓。法
已。猶崖。密。十。分。世。道。
用。三。此。類。者。甚。多。不
可。概。舉。
右。在。冷。齋。在。後。以。
時。稟。事。白。下。

書辭意頗鄙淺

雲齋廣錄十卷

右皇朝政和中李獻民撰分九門記一時奇麗雜事

遜齋閑覽十四卷

右皇朝陳正敏崇觀間撰正敏自號遜翁錄其平昔
所見聞分十門為小說一篇以備異日披閱

勸善錄六卷

右皇朝周明寂元豐中纂道釋神奇禍福之效前人
為傳記者成一編以誠世

勸善錄拾遺

右不題撰人疑亦明寂所纂僅百事

悅神集一卷

右不題撰人記滑稽之說唐有邯鄲淳笑林此其類
也

漫叟見聞錄一卷

右不知何人建炎中所撰也

碧雲駮兩卷

右皇朝梅堯臣聖俞撰碧雲駮馬名以旋毛貴陰詆

范文正公

劉餗小說十卷

昭陵時有御馬名碧石
雲駮以旋毛貴用以名
書者詆當時貴貴之人
其意專在范文正公
也頃年獲軒趙氏始予
恭南因廣此事之証
信蒼曰異哉聖俞作
讀書以証盛德蓋誅

右唐劉餗撰纂周漢至晉江左雜事

皮氏見聞錄五卷

右唐皮光業撰光業唐末為錢鏐從事餘杭記當時詭異

見聞自唐乾符四年迄晉天福二年自歸鹿門子

洛中紀異十卷

右皇朝秦再思撰記五代及國初讖應雜事

牧豎閑談

右皇朝景漁撰多記奇器異物漁自號玉壘山閑吟

牧豎云

南部新書五卷

右皇朝錢希曰撰記唐朝雜事

括異志纂十卷

右皇朝張師正撰師正游宦四十年不得志於是推變怪之理參見聞之異得二百五十篇

祖異志十卷

右皇朝聶田撰田天禧中舉進士不中第因記近時詭聞異見一百餘事

雞跖集十卷

右未詳撰人纂集書傳中瑣碎佳事分門編次之傳曰善學者如齊王之食雞跖其名書之意殆以此也

予弟公想日誦三遍
新之曰汝必欲知其義
乎對曰知之其義明萬
物皆空故古人以空為宗
必予曰金剛者堅固不
壞之義也萬物之空何
以謂之金剛復曰以此
偈其言明甚獨奈何
因語之曰汝之過在
以有為法同云云為法
以真空同祇空耳張
湛曰身與萬物同有
其有不有心與太虛同
至其空不空處我以此
此也

此段係在金剛般若
作會解末王亦在五

此段係在金剛般若

羣仙會真記五卷

右唐施肩吾集言鍊養形氣補毓精神成內丹之法
凡二十五篇

王氏神仙傳

右偽蜀杜光庭纂光庭集王氏男真女仙五十五人
以諂王建其後又有王虛中續纂三十人附于後

神仙傳

右晉葛洪之弟子滕升嘗問曰古之仙者豈有其人
乎洪答云秦阮倉所記有數百人劉向所纂又七十
一人今復錄集古之仙者以傳真識之士云

釋書類

維摩詰所說經三卷

右姚秦僧鳩摩羅什譯什與其弟子僧肇等注十四
品

楞伽經四卷

右宋天竺僧求那跋陀羅譯元魏時僧達摩以付僧
慧可曰吾觀中國所有經教唯楞伽可以印心謂此
書也

金剛經會解一卷

右後秦僧鳩摩羅什譯唐僧宗密僧知恩皇朝元仁
事非不同也

釋延壽謂此經以佛
語為宗而本通多則
以為五法三自性以證
為宗揚經說第以業
經之識名為如來藏
言其性不之明即為
世也此書所云者指其
理通多所云者指其
事非不同也

未段深在而天

般若者華言智慧
波羅蜜者多心華言到彼岸
彼岸謂智可以濟物入聖域也

圓覺之方佛為十二大士
說此來本起因地修之以三般若嚴之有阿難
因過慮障障疾問學著於最
初方便終之以三義蓋圓覺自
試而明楞嚴自明而試惟若
不同而三義三概不出其
其歸也

圓覺經云修多羅教如標指月書之意蓋取此

賈昌朝王安石五家注

般若波羅蜜多心經集解一卷

右唐陳留僧玄奘譯并注長安中僧法藏為之疏元豐中僧法泉亦注之

圓覺經疏三卷

右唐長壽二年天竺僧覺救譯宗密疏解

大佛頂首楞嚴經疏二十卷

右唐神龍二年中天竺國僧彼岸於廣州譯房融筆授皇朝僧子璿撰疏王隨為之序

宗鏡錄一百卷

右皇朝僧延壽撰壽因讀楞伽經云佛語心為宗乃制此錄設或人問即引大藏經云以答之凡一百卷

楞嚴標指要義十卷

右皇朝僧月公撰其弟子應乾錄范响為之序

圭峰原人論一卷

右唐僧宗密撰斥執迷褊淺直顯真源會通本末凡四篇

弘明集十四卷

右梁釋僧祐纂采前代勝士書記文述有益於釋教者多宗炳何尚之輩著述

六祖壇經三卷

右唐僧惠昕抄撰記僧盧慧能學佛本末慧能號六祖凡十六門周希後有序

龐居士語錄十卷

右唐龐蘊襄陽人與其妻子皆學佛後人錄其名言成此書

景德傳燈錄三十卷

右皇朝僧道原編其書披奕世祖圖采諸方語錄由七佛以至法眼之嗣凡五十二世一千七百人獻之朝詔楊億李維王曙同加裁定億等潤色其文是

正其差繆上之遂成大行於世為禪學之祖源

傳燈玉英集十五卷

右皇朝王隨撰以傳燈錄繁冗難觀刪為此錄景祐甲戌上之詔書獎答有序附于後

天聖廣燈錄三十卷

右皇朝李遵附勗編斷自釋迦以降仁宗御製序分燈集二十五卷

右皇朝井度編蓋續三燈錄也

禪苑瑤林一百卷

右皇朝井度編取三燈錄所載祖師言行附入諸方

拈提語句且是正其差誤云

林間錄二卷

右皇朝僧德洪撰記高僧嘉言善行謝逸爲之序然多寓言如謂杜祁公張安道皆致仕居睢陽之類是也按祁公慶曆六年致仕治平中薨安道元豐末始請老蓋相去二十年矣其疎濶可笑也

雪竇頌古八卷

右皇朝僧道顯撰居雪竇山

注維摩詰經十卷

右後漢羅什譯什又與其高弟僧肇道生道融注釋

之淳化中張齊賢刻之板

忠國師多心經一卷

右唐僧慧忠肅宗師事之此其所著書也

六祖解心經一卷

右唐僧慧能解慧能其徒尊之以為六祖

法界觀一卷

右唐僧杜順撰華嚴經最後品名曰法界敘善財參五十三位善知識經文廣博罕能通其說杜順乃著是書宗密注之裴休爲之序

法界觀據一要記四卷

右皇朝僧遵式述其序云元豐初覽清涼玄鏡圭峰法取其合者錄之

六祖壇經二卷

右唐僧慧能授禪學于弘忍韶州刺史韋據請說無相心地戒門人紀錄目曰壇經盛行於世

華嚴經決疑論四卷

右唐李通玄撰用字太原人則天朝撰華嚴合論又著此書皇朝張商英使河東得之壽陽縣東浮屠廢書中會解楞嚴經十卷

右唐僧彌伽釋迦譯語房融筆授皇朝并度集古今

十二家解去取之成此書予嘗為之序

修已金剛經旨要一卷

右皇朝僧修已住持峨眉山白水寺道楷之法嗣也釋氏要覽十卷

右皇朝僧道誠集雜錄釋典旁采書傳分門編次成二十類天禧三年書成

高僧傳六卷

右梁僧惠敏撰分譯經義解兩門

求法高僧傳兩卷

右唐僧義淨撰淨垂拱中往天竺求佛經既還因纂

集唐僧往西域者五十六人行事

僧寶傳三十卷

右皇朝僧德洪撰其序云五家宗派嘉祐中達觀曇
穎嘗為之傳載其機緣語句而畧其終始行事德洪
謂入道之緣臨終之効有不可闕者遂盡掇遺編別
誌補以諸方之傳又自嘉祐至政和取雲門臨濟兩
宗之裔絕出者合八十七人各為傳系之以贊云

錦囊集一卷

右皇朝僧瑞光集皆教其徒答問語也

昭德先生郡齋讀書志卷第三下

十者校兩初止
應桂甚香蓮米
舟不至
鯉記

